



მენორა

გამოდის
1993 წლის
მარტიდან

დამოუკიდებელი ებრაული ბაზეთი საქართველოში

„MENORA“ INDEPENDENT JEWISH NEWSPAPER IN GEORGIA

מנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

მარტი
(აღარი)
15-29
№5 (363)
(5772)
2012

“מנורה”

עיתון יהודי

בגוריה

ჯვრის მონასტრის დაბრუნებასთან დაკავშირებით, ისრაელი საქართველოს თანადგომას ჰპირდება...

დავით ბაქრაძე ისრაელში

საქართველოს პარლამენტის თავმჯდომარემ, დავით ბაქრაძემ, ისრაელში ვიზიტი, იერუსალიმში ქართული სახლის მონახულებით დაიწყო, რომელიც 2007 წლიდან არსებობს. დ. ბაქრაძემ, იქ მოღვაწე ქართველ დედაებს ღვთისმშობლის ხატი გადასცა. დედა ევგენიამ, პარლამენტის თავმჯდომარეს მათდამი თანადგომისთვის პირადად მაძღოლა გადაუხადა.

დავით ბაქრაძე ისრაელელ კოლეგას - რუვენ რივლინს შეხვდა. ოფიციალური შეხვედრების ფარგლებში, პარლამენტის სპიკერი, ისრაელსა და საქართველოს შორის, სავიზო რეჟიმის გამარტივების საკითხს განიხილავს. არსებული ინფორმაციით, სავარაუდოდ, სამ-ოთხ თვეში, დიპლომატიურ პირთათვის გამარტივებული სავიზო რეჟიმი ძალაში შევა, ხოლო ჩვეულებრივი მოქალაქეებისთვის კი, სავიზო შეღავათები, შესაძლოა, წლის ბოლოს ამოქმედდეს.

ამასთან, ვიზიტის ფარგლებში, დავით ბაქრაძე კოლეგებთან, ებრაული კომპანიების ქართულ ავიაზაზარზე შემოსვლისა და ტურისტულ სფეროში თანამშრომლობის გაღრმავების საკითხები განიხილა.

ვინაიდან, დავით ბაქრაძის ოფიციალური შეხვედრების მთავარი თემა - იერუსალიმში ჯვრის მონასტრის დაბრუნებასთან დაკავშირებით, მოლაპარაკებების დაწყება იყო, პარლამენტის თავმჯდომარემ, პირველად, ამ საკითხზე, ისრაელის რელიგიის საკითხებში მინისტრთან - იაკობ მარგთან ისაუბრა და აღნიშნა, რომ ისრაელის ხელისუფლება, მთლიანად უნდა იყოს ინფორმირებული საქართველოს პრეზიდენტის ინიციატივასთან დაკავშირებით.

ბუნებრივია, რომ ჯვრის მონასტერი იერუსალიმის საპატრიარქოს მფლობელობაშია და, რა თქმა უნდა, ჩვენ მათთან ძირითად მოლაპარაკებებს ვანარმოებთ, მაგრამ ძალიან მნიშვნელოვანია, რომ ამ პროცესში, ისრაელის სახელმწიფო და მთავრობა იყოს ადეკვატურად ინფორმირებული და ჩართული, ვინაიდან სწორედ მათ ტერიტორიაზე მდებარეობს მონასტერი და ამ სახელმწიფოს მთავრობის პოზიციას, ბევრი რამის გადანყვება შეუძლია. ჩვენთვის მნიშვნელოვანია, რომ ისრაელის მთავრობა ამ პროცესს მხარს უჭერდეს. სწორედ, ამაზე ვისაუბრეთ რელიგიის საკითხებში მინისტრთან გამართულ შეხვედრაზე — თქვა საქართველოს პარლამენტის თავმჯდომარემ და დასძინა, რომ საკუთარი კომპეტენციისა და მანდატის ფარგლებში, მზად იქნება შეეცადოს, დაგვეხმაროს, მოძებნილი იქნას ყველა მხარისთვის მისაღები გადაწყვეტილება.

ისრაელის რელიგიის საკითხებში მინისტრმა - იაკობ მარგმა შეხვედრის დასრულების შემდეგ, ჟურნალისტებთან განაცხადა, რომ ისრაელის ხელისუფლება მზად არის, საქართველოს მოლაპარაკებების წარმართვაში და ამ საკითხის ყველა მხარისთვის სასიკეთოდ მოგვარებაში დაეხმაროს.

საქართველოს პარლამენტის თავმჯდომარესთან, ჯვრის მონასტრის თემაზე ვისაუბრეთ. ეს პრობლემატური და ფრთხილი საკითხია. სავარაუდოდ, ამ საკითხზე საუბარი საქართველოს პრეზიდენტსა და ჩვენი ქვეყნის მეთაურს თანაც გაიმართება. აღნიშნულ საკითხში სამი მხარეა ჩართული. ვფიქრობ, რომ ისრაელმა საკუთარი წვლილი უნდა შეიტანოს, რომ მოლაპარაკებები ყველა მხარისთვის მისაღები შედეგით დასრულდეს. ჩართულია საბერძნეთის ეკლესიაც, მაგრამ ჩვენ ყველაფერს გავაკეთებთ, რომ ქართულ მხარეს დავეხმაროთ — განაცხადა იაკობ მარგმა.

ისრაელში ვიზიტისას, პარლამენტის თავმჯდომარესთან, დავით ბაქრაძესთან ერთად, პარლამენტის თავმჯდომარის მოადგილე ფრიდონ თოდუა და პარლამენტის წევრი არჩილ გეგენავა იმყოფებოდნენ.



სურათზე: ისრაელის ქანსეთის წევრი — აბრამ მიხაელი (მინხელაშვილი), რელიგიის მინისტრი — იაკობ მარგი და საქართველოს პარლამენტის თავმჯდომარე — დავით ბაქრაძე.

დავით ბაქრაძემ ქანსეთის თავმჯდომარესთან შეხვედრისას ჯვრის მონასტრის საკითხი განიხილა

საქართველოს პარლამენტის თავმჯდომარემ დავით ბაქრაძემ ისრაელის ქანსეთის თავმჯდომარესთან შეხვედრისას იერუსალიმის ჯვრის მონასტრის საკითხი განიხილა. ამის შესახებ შეხვედრის დასრულების შემდეგ ბაქრაძემ ჟურნალისტებს განუცხადა.

ბუნებრივია, ვისაუბრეთ ჯვრის მონასტერზე, იმ თემაზე, რომელიც ჩვენი საზოგადოებისთვის ძალიან მნიშვნელოვანია. რა თქმა უნდა, პარლამენტის თავმჯდომარის პოზიცია ამ პროცესში იქნება მნიშვნელოვანი, თუმცა ბუნებრივია ის, რომ ძირითად მოლაპარაკებას ჩვენ ვანარმოებთ იერუსალიმის საპატრიარქოსთან — განაცხადა დავით ბაქრაძემ.

მისივე თქმით, მხარეებმა ისაუბრეს ასევე ქვეყნებს შორის ეკონომიკური ურთიერთობების გაღრმავებაზე და სავიზო რეჟიმის გამარტივების შესახებ. ბაქრაძის განცხადებით, შეხვედრისას საუბარი შეეხო ასევე თანამშრომლობას ისრაელის ავიაკომპანიებთან, რათა საქართველოსა და ისრაელს შორის პირდაპირი ავიამიმოსვლა განხორციელდეს.

ბაქრაძის თქმით, უახლოეს პერიოდში საქართველოში ქანსეთის დეპუტატთა წარმომადგენლობითი დელეგაცია ჩამოვა.

საქართველოს პარლამენტის თავმჯდომარე ბ-ნი დავით ბაქრაძე შეხვდა ისრაელის საგარეო საქმეთა მინისტრს ავიგდორ ლიბერმანს და ისრაელის პრემიერ-მინისტრს ბინიამინ ნეთანიაჰუს.

შეხვედრებმა წარმატებით ჩაიარეს.

იმის გამო, რომ ებრაელები იყვნენ...

მსოფლიო შესძრა საფრანგეთში, ქალაქ ტულუზაში „ალქაიდასთან“ დაკავშირებულმა მომხდარმა ტერორისტულმა აქტმა — ავღანეთიდან დაბრუნებულმა მუსლიმური დაჯგუფების წევრმა ტერორისტმა სიცოცხლე მოუსწრაფა ებრაული სკოლის მოსწავლეებს. სკოლიდან გამოსულთ გაუხსნა ცეცხლი — ადგილზევე დაიღუპა ოთხი ადამიანი.


5 წლის,
6 წლის,
7 წლის ბავშვები

და ერთი მოზრდილი — ორი შვილის მამა რაბინი-პედაგოგი.

ტერორისტული აქტიდან დიდი ხანი არ იყო გასული, რომ ტულუზაში ჩავიდა საფრანგეთის პრეზიდენტი და პრემიერ-მინისტრი. პრეზიდენტმა სარკოზიმ მკაცრად დაგმო ტერორისტის ქმედება და სათანადო ორგანოებს დაავალა სასწრაფოდ გამოიძიონ მომხდარი დანაშაული.

ბინიამინ ნეთანიაჰუმ საფრანგეთს შესთავაზა დახმარება დანაშაულის გამოძიებაში.

მომხდარი ფაქტი დაგმო გაერთიანებული ერების ორგანიზაციამ და თეთრმა სახლმა. ევროკავშირმა კი თავისი პოლიტიკური პოზიცია ვერც ამჯერად დაფარა - კეტრინ ეშტონმა მკვლელობაზე საუბრისას ანალოგია გაავლო პალესტინელებთან, რომლებიც ისრაელს ბომბავენ.





წერილი მერვე (ჭარბი ალიტერაციებით)

ვან(უ)აღანი ჰაღაჟი... აჟ ჰიღაღაჟი...

შოთა ზოსტანაშვილი

ფიქრები ა. საპირის „კულაჟის“ წაპითხვის შემდეგ

და თუ რატო ვიმაღლები, ამას შემდეგ წერილში ვიტყვი, აქ კი იმაზე ვილაპარაკებ, თუ რატომ ვარჩიე სამალავად მაინცდამაინც ადგილი კულაში. ეს ადგილი საიმედო საცავია და თავდაც დაცულია. ასეთი დაბეჯითებით რო ვამბობ, ამის საბაბიც მაქვს, **სიაც** და **ექვსი ვერსიაც**.

ერთი ვერსიით, ერთ კაცს, სახელად მიქელას, მის მიერ დამზადებულ კოხტა კულაში (კულის ნაცვლად), რომელიც მეფეს მიართვა, ნახელავის მონონების ნიშნად, აზნაურობაც უბოძეს და უსახელო მიწებიც, იმდენი, რამდენიც ერთ დღეში ფეხით შემოიარა. **კულაში** მიღებულ მიწებს „**კულაში**“ დაერქვა.

მეორე ვერსიით, პირველი ვერსიიდან გადმოსულმა **მიქელამ**, ან მისმა შთამომავალმა, **უკვე მიქელაძემ**, თავადმა, კულაში ჩასხმული ღვინით დალოცა თავისი ახალი ყმები და მიწა, რომელიც მათ გამოუყო სამოსახლოდ და დასამუშავებლად. ეს ყმები ებრაელები იყვნენ, ის შვიდი ადამიანი, რომელიც დიდმა დადიანმა მიქელაძეებს აჩუქა.

მესამე ვერსია ამას წინათ ჩემი ხელიდან გამოვიდა: კულაში ვანთან ახლოა, მაგრამ ისიც ვანივით ზღვისპირა ქალაქი რომ ყოფილიყო, ზღვა ვერსად „გაიპარებოდა“, შეჩერებასაც გაუბედავდნენ და კალთაზეც გამოიბამდნენ, სხვანი თუ არა, კულაშელი ებრაელები მაინც; მაგრამ იმ დროს სად იქნებოდნენ, ან იმდენი სხვაც ვინ იქნებოდა, რომ მათი კალთები ჰყოფნოდა ზღვის შეჩერებას; ან იქნებ, საქმე იქამდე არც მისულიყო, რომ ზღვა ძალით დაეჭირათ, იქნებ, ზღვას წყალობაც მოეღო და, უკან კი არა, წინ წამოსულიყო, კულაშისთვის შემოეფლო, შუაში მოექცია და კუნძულად **ექცია**. აკი იქცა კიდევ — ყველას თავისი **მიუზღ(ვ)ა** და **უზღვოდაც** მოახერხა „კუნძულად“ **ქცევა** (გარდასახვა) — „პატარა იერუშალაიმს“ იქნებ, ამიტომაც ეძახდნენ.

ეს სტრიქონები ისევ იმ ტექსტის (ო. ჭილაძის „გაზზე ერთი კაცი მიდიოდა“) გამოძახილია, სხვა წერილში, ვანთან დაკავშირებით რომ მოვიხმე. ის ხასიათი (სტილი, მანერა) გათამაშდა, მაგრამ სხვად (განსხვავებულ აზრად) გადაიქცა — გარდაიქმნა. უფრო თანამედროვედ რომ ვთქვათ — იმ ტექსტის დეკონსტრუქციას.

მეოთხე ვერსია ამ წერილში დაიბადა: **კულიდან „კულაში“** გადმოიქცა, გაიშალა და ტბად იქცა. ებრაელები წყალზე დასახლდნენ და მიწად აქციეს — კუნძულად. დაცვის მიზნით და ხსოვნის ნიშნად, ტბის კონტური რალაც განით შეინახეს, მდინარედ **აქციეს**, დაიტოვეს ღობედ — „ლოღობი“ და „ჭურთავა“. **იქცა კულაში ადგილად (სულ ადგილად)**, მერე სოფლად გადაიქცა, მერე **დაბად დაიბადა...**, მაგრამ ჯერ უნდა შევსებულიყო, მოვარაყებელიყო სხვადასხვა კუთხიდან ჩამოსული **ებრაელებით**, — **უბრალო** არ ყოფილიყო. და მაინც, **უბრალოც** იყო და **ბრალებულიც** — საშოვარზე გასვლა **ბრალოდ** ედებოდათ..., მაგრამ ეს უკვე, და ბევრი სხვაც, სხვა ვერსიებშია.


მეხუთე ვერსია წინა ვერსიებიდან დაიბადა: ... და შექმნეს ამ/ბავთა მფარველმა მალახიმებმა გალუთის მტ(ე)რისაგან შვიდი ყმა ებრაელი, შთაბერეს მათ ნესტოებს სიცოცხლის სუნთქვა. და იქცნენ ისინი ცოცხალ არსებებად.

შექმნეს მალახიმებმა იმავე მტერისაგან კულა, დარგეს შიგ ბალი და დასვეს იქ ყმები, რომლებიც შექმნეს. ბალის დასამუშავებლად და დასაცავად დასვეს. მოათავსეს ებრაელებიან კულა ედენში, დასავლეთით.

აღმოაცენეს მალახიმებმა კულაში ყოველი ხე წარმტაცი სახილველად და საზრდოდ კეთილი და შუაგულ ბაღში სამი ხე: ხედერი, ლოცვა და **იეშივა. ვისაც შივა** — უთხრეს მალახიმებმა — ამ სამი ხიდან ჭამოს, დანარჩენი არ ჭამოსო... და არც უჭამიათ... სავაჭრო დახლები ამ ხელშეკრულებაში, იმ დროს, ჯერ **კიდე** არ შედიოდა, მერე დაემატა, დაემატა და დაემატა...

მდინარე გამოდის კულის ბალის მოსარწყავად და იქიდან იყოფა ორთავად. ერთის სახელია ლოღობა (ლობეც არი და ლაღობაც), მეორესი კი — ჭურთავა (ჭურის თავთან ქეიფს გვაგონებს).

და შექმნეს მალახიმებმა იმავე მტერისაგან ყველა



სულდგმული და ყველაფერი. მიუყვანეს ისინი ყმა ებრაელებს, რათა ეხილათ, რას დაარქმევდნენ მათ, და რასაც დაარქმევდნენ ყმები ყოველ ცოცხალ არსებას, ის იქნებოდა მისი სახელი.

დაარქვეს ყმებმა და წარმოსთქვეს: **კულაში** ვართ და **„კულაში“** ერქვასო; ვინც **კულაში** იყო, **„კულაშელები“** დაირქვეს და რაც **კულაში** იყო, **„კულაშური“** დაარქვეს.

და აკურთხეს ისინი მალახიმებმა და უთხრეს მათ: ინაყოფიერეთ და იმრავლეთ, აავსეთ **„კულა“**, დაიპყრეთ იგი... და აკი „დაიპყრეს“.

ხუთივე ვერსია ერთად მითია სხვა მითების შესახებ; ენაა, მეტაენით რომ სარგებლობს და **„კულას“** წარმოგვიდგენს ერთგვარ მითოლოგიად. ამიტომ მოექცა იგი ბრჭყალებში. შემდგომში, პირობითად, ვათავისუფლებთ მას ბრჭყალებისაგან და ვწერთ: **კულა**.

აქ მითი **კულას** შესახებ (იგივე სიტყვა **კულა**) ქმნის ერთგვარ პორტალს, კარიბჭეს, პროლოგს წინამდებარე წერილისათვის.

მაშ ასე, გავიარეთ პორტალი **კულა**, ახლა კი **კულაში** შევიდეთ.

მეექვსე ვერსია ბოლოა და საცხებით უნიკალური, თანაც არა **ვერ/სია**, არამედ ნამდვილი **სია** და **სიები**. ვიდრე ამ **სიებს** გავშლი, ერთ შენიშვნას აქვე გავაკეთებ:

კულაშის „დაბადების“ **ექვსი ვერსია** შესაქმისეულ ექვსდღიურსაც მოგვაგონებს, მაგრამ ეს გა/მოგონებები გადავდოთ ბოლოში (**როცა მხვალ**).

ამ ვერსიაში **კულა** უკვე ოთხკუთხედიან, როგორც აღვნიშნე, საცხე სიებით. მათ შედგენაში იმ კაიკაცმა, **ახალმა მიქელამ**, ახალი **კულის შემქმნელმა** რამდენი ღამე **ათია?**, ან ამ სიებში რამდენი გული **ანთია**, აქ სხვაც ბევრია სიტყვა, და ბევრი **სურათია**, ერთად **ექვსასათია**. ხო, ამდენი გვერდია შიგნით. ერთი სიტყვით, ეს არის წიგნი: **აბრაამ საპირი, „კულა ში“; ნანახი, განცდილი, გაგონილი. „ალია მიგურგია“, თელ-ავივი, 2000წ.**

შევიდეთ **წიგნის „კულაში“**. ავტორის წინასიტყვაობა: „ამ წიგნის დანერგა ჩემი დაბადებიდან 60 წლის შესრულებასთან დაკავშირებით განვიზრახე. თავდაპირველად ჩაფიქრებული მქონდა, რომ ეს ყოფილიყო მხატვრული ფორმით გადმოცემული ავტობიოგრაფიული მოთხრობა, რომელიც...“ (ხაზგასმა ჩემია — შ.ბ.)

ექვს, სხვა ჩანაფიქრი ჰქონდა სამყაროს ავტორს **თავდაპირველად**; მერე გადააფასა, არ მოეწონა და

მოახდინა **ღრმობა** (ამ სიტყვას თორის თავსილით თარგმანში ხმარობდნენ წარღვრის აღსანიშნად). მომწონს ეს სიტყვა, მრავალპლანიან ასოციაციებს იწვევს, ცოდნას **გვიღრმავებს**. გამჩენს ახალი ცა და ახალი მიწა სურდა **ეხილა. „მეხილა“ (ბოდიში)**, ამ **„ბადეში“** (წიგნის ცხრილებში, უსასრულო სიებში) მეც სიახლე უნდა **მეხილა**. მეც **თავდაპირველად** სინაგოგები მაინტერესებდა **წიგნის კულაშიდან**, ჩემი ცოდნა უნდა შემეგვსო, დამეზუსტებინა, ბინა მიმეჩინა ჩემს წერილში. **თავდაპირველად** წიგნი დავათვალიერე, მომეწონა; მერე სარჩევის დიდ და საინტერესო ნუსხას ჩავეხედე, და აი, „სალოცავები — გვ. 195-197“. ნავიკითხე. სალოცავების ფოტოსურათები და ტექსტები სხვა გვერდებზეც შემხვდა გაბნეულად. წიგნი ნათხოვარი მქონდა და, ბუნებრივია, ფრთხილად ვექცეოდი, ფანქრით ვინიშნავდი; სხვა შემთხვევაში მარკერით ჩამიყვითლდებოდა წიგნის გვერდები (როგორც ყოველთვის). ერთი სიტყვით, თავიდან დავინწყე კითხვა და ჩემი საძიებელი საგნის გარდა, სხვაც ბევრი დამხვდა საინტერესო. **თავდაპირველად** ვიფიქრე, ჩანანერებს გავაკეთებ მეტი, მერე — რეცენზიას; ავყვე **წიგნის კულაშის** მეგზურს, ყველაფერი ვნახე, ჩავინიშნე, რალაც ნაწილი ამ წერილში მოვაქციე და ვუნოდე მას **სეფერ-კულა. ეს არის წიგნი წიგნის კულაშის შესახებ**.

ვიფიქრე, რით დავინწყო, რომელი ამბავი დავანიშნურო, და არც ვცდები, თანმიმდევრობას რომ ვარღვევ და ვინყებ იმ უსასრულო სიებით, რომლებიც კულაშელთა საქმიანობას ასახავენ. ასე შედგა კიდევ ერთი, გაერთიანებული ცხრილი.

სეფერ-კულას ბინადარი:

1. ექიმები — 70 ადამიანი; 2. ჟურნალისტები, ფიზიკოსები და იურისტები — 13; 3. ინჟინრები — 85; 4. ეკონომისტები — 17; 5. თეატრალები — 13; 6. მუსიკოსები — 33; 7. მკერავები — 33; 8. მექუდეები — 19; 9. „ნასილშიკები“ — 16; 10. მეჩექმეები — 33; 11. მენალები — 15; 12. „მეკაჭკეები“ — 16; 13. ქიმიკოსები — 2; 14. მეფაიტონები — 15; 15. მეფურნები — 11; 16. დარდიმანდი ბიჭები — 48; 17. ყასები — 16; 18. ფოსტალიონები — 4; 19. დალაქები — 13; 20. „მეჩისტები“ — 3; 21. ფალავები — 21; 22. „მანტიორები“ — 7; 23. ხელის „მეკაჭკეები“ — 4; 24. ექთნები — 12; 25. ფარმაცევტები — 12; 26. მედროგები — 4; 27. მენისქვილები — 5; 28. მენავთები — 7; 29. „პრავადნიკები“ — 40; 30. სხვადასხვა პროფესიის ადამიანები — 20 (მათ შორის არიან მასწავლებელი, აგრონომი და გამოძიებელი); 31. წარჩინებული პირები — 50; 32. საკუთარი მანქანის მფლობელები — 37, ამათ ემატებათ ტაქსის მძღოლები — 9; 33. (და რაც მთავარია) ხახმები — 58. აქ, დამატებით, მითითებულია დაბადების და გარდაცვალების წლები და სასულიერო წოდება (ხაზანი, დარშანი, შოხეტი, მელამედი, რაბი და **მოელი**). **მოელი** კაცი ერთს, საინტერესოს და დაგხვდება მრავალი სხვა, არანაკლებ საინტერესო.

როგორც აღვნიშნე, ამ, ცხრილის სახით მოცემულ სიებს, აქვთ გრაფები, სადაც მითითებულია გვარი, სახელი, მამის სახელი, ზედმეტსახელი და შენიშვნა. ნამდვილი ტაქსონომიაა; მეორეს მხრივ, პიესის, ან სულაც სპექტაკლის პროგრამას მოგვაგონებს: მოქმედი პირნი და შემსრულებლები. დიახ, ამ წიგნ-სცენარში მისივე ცხრილებიდან გადმოსული პერსონაჟები ცხოვრობენ, მოქმედებენ და მონაწილეობენ კულაშურ კოლიზიებში, ქმნიან საკუთარ შუქ-ჩრდილებს. შუქი მეტია **წიგნის კულაში**, ჩრდილები — ნაკლები. ისინი ქვეტექსტებში ჩასულან.

წიგნის კულაშის შინაგანანესი (კლასიფიკაცია, სისტემატიზაცია) მას სამეცნიერო ჟანრის ნიშნით აღბეჭდავს; რეპორტაჟები, ანუ ინტერვიუები კულაშელთა (წიგნში უხვად არის მოცემული) ჟურნალისტების ჟანრს განეკუთვნება; ეთნოგრაფიული ჩანახატები, დაწყებული ტრადიციული რიტუალებით და დამთავრებული ბავშვური თამაშობებით და ცრურწმენებით, აქ, ჟანრობრივად მხატვრულ-დოკუმენტურ პროზას მიეკუთვნება; შემდეგი ჟანრი აერთიანებს ავტობიოგრაფიულ და ოჯახურ ამბებს; ამას ემატება ფოტო და საგანეთო დოკუმენტაცია, რუკები; წიგნი იწყება მოკლე ისტორიით: საქართველოში ებრაელთა მოსვლა, კულაშის ისტორია და დაბის მცხოვრებთა პატარა ისტორიები. ხედავთ, როგორი ჟანრული მრავალფეროვნება ან ასე: როგორ არის გახსნილი საზღვრები ჟანრებს შორის. ქვეყნებს შორის გახსნილი საზღვრებიც პირველად კულაშელთა გადაკვეთეს, ალიის გზას დაადგენ. უკვე ვთქვი და ისევ ვამბობ: **წიგნის კულაშის** ცხრილებში, როგორც სამსახიობო და საგრძობლო ოთახებში არტისტები არიან, ისინი გამოდიან **სცენაზე**, ელოდებიან თავის რიგს და ხელახლა გამოდიან. განმეორებათა ამ უწყვეტ ნაკადში აზარტულ მკითხველსაც რთავენ, თანამონაწილედ და თანაავტორად **აქცივენ**.

ასეთი მკითხველი რაღაც თავისას მიაწერს სცენარს და საკუთარი წარმოსახვის სცენაზე, ისეთ მიზანსცენებს, სიტუაციებს, სახეებს და სახელებს აძლევს ადგილს, რაც ზედპირზე არ ჩანდა; თუმცა, მეტი რაღა უნდა გამოჩენილიყო? ამდენი სოციოლექტიკები, იდიოლექტიკები, ამდენი ზედმეტსახელი... კულაშს ხომ თავისი „ფარყოებიც“ ჰყავს, და სხვებიც, ხუმრობით შერქმეული მეტსახელები.

სეფერ-კულელები:
ტიკური, შაბათუნა, ბეკო, ხასანია, დათიკია, ბეკეკია, ლეკკია, გიტულა, ალახა, ბატონია, ფახურა, კაკია, ყობია, ქიქია, ჩოჩია, ინჭოია, ლიკლიკო, ფამფალო, ტიპიტია, სიპიტია, ჩაჩანი, ნიმოი, წუნია, ვალუთა, ცხოვრება, პეპელო, ლამაზო, ბლანჯი, ბირუ, ქვერე, ლომადი, რიჟა, გეროი, გრუზია, ფეფია და სხვანი (ამ ბოლო ხუთ სახელს დიდვაჭრები ატარებდნენ). აქ მდიდარ-ღარიბი, კარგი და „ფინთი“, ერთია.

აქ ნამდვილი გან(ყ)ედენია, აქ სიტყვა გარდაცვალება თავისი სახით გვეცხადება. **სეფერ-კულაში ცხოვრობენ გარდმოცვლილები** და არა **ცვილები** (ცვილის ფიგურები); ისინი აქ არიან — კულაში; აქ ყველა **კარგია კარლია** გან(ყ)ედენში; ეს **მათი მითია**; აქ, მითში, ღობე მორღვეულია, — მოშლილია **აქეთელ/იქითელთა** სამანი, აქ **„ჰაზე“** და **„ჰაბა“** (ჰ) ალბათ, ხვდებიან.

სეფერ-კულაში მუდმივი დრო დგას, და დროის ეს ასვეტილი დგომა — **„(ყ)ამიდა“** არის მისივე (ნიგნის) შერქმული გვერდები — **„(ყ)იმუდ“**. ასე **იმუდმივებს** თავს დრო-მედინი.

აი, ამ **(ყ)ამუდზე** (გვერდზე, სვეტში) ისევ 1956-ია, ისევ ჩამოდის ისრაელის დელეგაცია კულაში (და უკვე კულაში)... და აჰა, კულაში ნამდვილი **„ნესია“** (სასწაულია); **ნესია** ბევრი იყო კულაშიურ ვაჭრობაში — ეს სხვა **(ყ)ამუდზეა**, და კიდევ **სხვაზე** — **ზღვაზე** არიან ცოლშვილით; **ზღვარზე** არიან, მაგრამ... **ხელი ხელს ბანდა...** გადაფურცლავ და... ავი დღე **დადვა** — დაეცათ **ბანდა...**, **ანდა**, იქ, სადღაც, წალვერიც **ჩანდა**, ლიკანიც, შოვიც, რაღა თქმა უნდა, შვილიც და ცოლიც.

სადღაც ბრალდებები; **ხან ლავაა, ხან „აბლაგა“**; **ხან-ძრები და ხან ძვრები**: მართალია, თორით ხელში **ბევრია**, ბევრიც — წითელი დროშით, სურათიდან თავს დაჰყურებთ **ბერია**; (ჩვენში დარჩეს, სიტრახალაც * **ბევრია**. ქალაქში კანალიზაცია არ იყო); მოხდა ისე, — გაიქურდა და ლოცვები; **იქით ქაფია, აქეთ ქეიფი** — დარდიმანდი ებრაელნი და დანიელა ურია — რა ცეცხლი და **ალია**; ზოგიც **თეატრალია**.

აქ, ამ **(ყ)ამუდზე** ხის **ბოძებია** (ჰალახით **გვბოძებია**), ბოძებზე გაბმული მავთული გარს უვლის მთელ ებრაულ დასახლებას, რომ შაბათ დღეს შემთხვევით არ გასცდნოდნენ რჩეულ ადგილს. გეტო ის არი, ძალით რო ზღუდავენ; ნებით რო იზღუდებიან, **ის „თეხომია“**; **ისევ ომია** იმ **(ყ)ამუდზე**, ქერჩში ისევ ასაფლავებს გმირ ბუხაიდეს გაბრიელ შალელაშვილი, აქ ხო მრავალი კულაშელიც წევს; ისევ ის დრო დგას: ვინ ბაზარში დგას და ვინ ლოცვაში — **(ყ)ამიდაზეა**; ამ **(ყ)ამუდზეა** ჯდომა: ვინ ლხინში ზის, ვინ კი — ჭირში, ვინ ფარნასაში — ქონებაში ზის; **ვინ ციხეში, ვინ „ცეხში“**, შიშობს, რისკავს, შია... კაბინეტში კი **ზის ის..**, ისევ ანათებს დიდ კულაშს ქრთამი...

ამით **მოვრჩეთ?** **მოვგრჩა** ბევრი, ასე მაგალითად: იხსნება ფაბრიკები, არტელები, „ღარეკომი“, „**მემსი**“; **ნემსი** არ ჩავარდება, ხუთივე ლოცვა საესეა, საესეა „კერძო“ ლოცვებიც; ლოცვები იხსნება, ლოცვები იხურება და ისევ იხსნება; იხსენებიან მოკამითქმეულ **გარდაცვლილები; ცვლილებები**: რა ბაკუნია, რა ბაკა-ბუკი, **რა აურაა, აუუ, რაა?!** რა ხმაურია **კულაშიში**, რა ბუქოა **კულაშიში...** არაფერი ფარული... არული კუდიანებს, **კუდიანებს არული** — **არულ ამან! არულ ამან!**.. ამან და ამან რაღაც დათარსეს, ამან და ამან ვილაცა იხსნეს, ამან გახსნა **ჰეხალი**, იმან — ახალი საქმე... **(ექო): საქმე... აქ მე...** აქ, მე პირი გაეხსენი, ავუშვი ენა... (ცოტა გამოვტოვებ რაღაცებს, მაგრამ რეებს?) „ფხეკიკორეებს“ ვერ გამოვტოვებ: გესმით? რა **ჯაზია, აზიან** ერთმანეთს „საკრავები“ — დანა-ჩანგალთა, ტაფა-ქვაბების, **ბის! ბის!**

ახლა ფესახები?! — ეს სახეები, ცისკენ მიმართული, ქვევიდან მომართული სანთლის შუქზე და „ღამის წყვდიადში ჩაფლული“ ნათელი ლაქები: ნიკაბქვეშა, ტურქვეშა, ცხვირქვეშა, ქუთუთოებქვეშა, წარბებქვეშა, მოციმციმე შუქთა სიმრავლე — **ლაქები...** (ან უკვე **ნაქები**).


ეს სურათები ბევრჯერ აღბეჭდილა ჩემში; თავადაც გყოფილვარ ამ სცენებში (ამ ენებში ახლაც ვარ), მხოლოდ თბილისში, სადაც ეს სურათები მცირდებიან დიდი ქალაქის ფონზე, იფანტებიან, იკარგებიან სხვა სურათებში. **სეფერ-კულა** ერთი სურათის ჩარჩოა, ან ასე: ამ ჩარჩოში ერთი ხელწერის სურათებია. **ქალაქი-ჩარჩო**, სადაც აბსოლუტურ უმრავლესობას ებრაელები შეადგენენ (1969 წლისათვის 10 000 ადამიანი), ტოტა-

ლური მისტერიების სურათებს წარმოგვიდგენს. ამ სურათებს არც „ოპარტ“-ი აკლია, არც „ოპარტ“-ი, არც „დადა“ არც „სიუ“, რეალიზმით და ურია/ლიზმით — სოციალისტური კულაში კაპიტალისტური შინაარსით. აქ „შეუთავსებელთა შეთავსების“ პიონერები ცხოვრობენ, ნუ დავუკარგავთ ამ პირველობას პოსტმოდერნიზმის და ინტერაქტიური თეატრის ადვოკატებს, რაღა თქმა უნდა, გაუცნობიერებელ და დღეგრძელ აქციას, ახლა კი ასე დანახულს, ასე ნაკითხულს, ასე დანერღულს. **კულა** თეატრია, **კულაში** სცენაა — სც/ენა. ამ სც/ენაზე ბევრი იყო **ავარიაც...** ახლა, რაც **მთავარია**:

„ჯვარცხმის მინდორი სავსე იყო ხოლმე შაბათობით კულაშელი ებრაელი ოჯახებით. ჭილოფები გაჰქონდათ, მას გააგებდნენ და სხდებოდნენ. იყო მშვენიერი ჰაერი და ჩრდილი — დიდი, ასწლოვანი მუხის ხეების ტოტებ ქვეშ.“ (შათია მიხელაშვილი, ა. საპირის ნიგნიდან „კულაში“, გვ. 94). და ერთიც:

„— ენყობოდა ხოლმე გულაობა. პირველად გულაობა ელულამეობით ენყობოდა ხოლმე, ზეით ბაზრის იქეთ, სტალინის ქუჩაზე, ხახამ არონის სახლის წინ, მერე მან იმავე ქუჩაზე, ცოტა იქით გადაინია, ტყიურები რომ ცხოვრობდნენ იქეთ, აქ ტრავიკული შემთხვევა მოხდა, გულაობის დროს ტარზანას და მოკლა მანქანამ და ამის გამო ამ ადგილას გულაობა აიკრძალა. შემდეგ ის აბუაშვილების ქუჩაზე ენყობოდა. რაბი ხახამ აბრაამ მიხელაშვილის გადაბრძანების შემდეგ ის ლენინის ქუჩაზე, ხინისკენ მიმავალ გზაზე იმართებოდა ახალი სახლების წინ. ერთი პერიოდ გულაობა სასოფლო საბჭოსა და საექიმო უბნის წინაც იმართებოდა. ახალგაზრდები გამოდიოდნენ და ქუჩაში აქეთ-იქეთ სეირნობდნენ. ამას ერქვა გულაობა. მასში რამდენიმე ასეული ადამიანი იღებდა მონაწილეობას. გულაობის დროს ხდებოდა ხოლმე დასანიშნი გოგო-ბიჭების „გადანახულება“. (მომე შალელაშვილი, ა. საპირის ნიგნიდან „კულაში“, გვ. 110).

ისმინეთ ისრაელებო! კულაში ქაშერი ასხია, მიიღეთ



ალავერდი: დანერეთ „ვანი“ — ბანი მიეცით ა.საპირის „კულაშს“; დანერეთ „ცხინვალი“ — ვალი შესრულდეს, მიცვა; დანერეთ „ანყური“ — ყური უდგეთ წარსულს; დანერეთ „ახალციხე“ — ხე დარგეთ; დანერეთ „ბანძა“ — ანძა დადგით, ხაზები გააბით, დაიწყეთ რეპორტაჟი... ტაში, ყველას ტაში, ვინც ჩაინერგავს ამ მიცვას, მიცვალღებულთა სახელით. ეჰე, ჰეე...! ჩამოართვით ალავერდი „კულაშს“, ხედავთ, როგორ იგრეხს უღვაშს... მოყვევთ, ჩაინერეთ, ვიდრე გახსოვთ, შექმენით ასეთი სამსახური, ეს გამჩენის სამსახურია; აქაც იყიდეთ ფასუკი, ფასი დაადეთ მუდამ/სულ წარსულ სულს, დააფასეთ და დააფასოვეთ, ტექსტად აქციეთ, ნიგნად. გაჯილდოვებთ (ყოლამაბა, აბა!

როცა ჰხვალ!
(დამატებები)

კულაშის დაბადების ექვსი ვერსია შესაქმისეულ ექვსდღიურსაც მოგვაგონებს, და არა მარტო რიცხვით „ექვსი“, არამედ იმითაც, ან უფრო იმით, რომ თავად კულა — მინისგან (თიხისგან) გაკეთებული ჭურჭელი — თავისი კვერცხის ფორმის შემოსაზღვრულობით — **ღობით** და **ლიობით** — ვინრო პირით, იმ მინასაც

მოგვაგონებს, იმ ბალს, რომელიც შემოსაზღვრა უფალმა ედემში, აღმოსავლეთით; კულის პირი იმ კარიბჭეს მოგვაგონებს, საიდანაც უფალმა გამოაძევა „გამოჩენკა“ კაცი და დედაკაცი. ამ ნიშნით, კულა სამყაროს წინააღი — საშოა, შორს, საშოვარზე „გამოგდებული“ ადამიანისათვის. ჰო, დაშორდა ადამიანი თავისი დაბადების ადგილს — თავის კულას — ასეულობით ვერსი(ო)თ; ვერც სიით (ისტორიით) აგნებს საგნებს, რომ ხელახლა დასახელოს, ხელახლა ამოიცნოს ადამივით „ისტორიის დასასრულის უკანასკნელმა ადამიანმა“ (ფ. ფუკუიამა). ამავე მეტაფორით (უფრო მეტად კი ფორმით) კულა შემორაგულია; აქ, ბალი რგულია, კაცი კი ერთგულია. უკანასკნელ ადამიანს გული თუ იქაც დარჩა და აქაც უძგერს, ის კარგი ორგულია; თუ ის ბალი არის ხსოვნა — დალი; თუ ამ დღეებში ის დროა გაჩერებული — დამდორებული, დამდურებული არ უნდა იყოს კაცი. ეს კაცი „მუდამ უკვე“ პოეტია.

ჰორიზონტზე გადავიდეთ, დავბრუნდეთ მინაზე. კულა არქეტიპია, პარადიგმაა, და აი რის.., ალბათ, პირველი მინის, და პირველი ცის. აქ არ არის ზევით/ქვევით; დიახ, „მუდამ უკვე“ არ არის. აქ ცა და მიწა ადგილებს სულ იცვლიან აქეთ-იქით და ეს აქეთ-იქითობა კიდევ უფრო აფართოებს კულის კონოტაციურ ველს, სადაც **კულა/პლანეტას** თავისი ორბიტა აქვს, თავისი გრავიტაცია; და როცა კულაში კაცია?... (აქ უკვე ახალ აზვაცზე გადავიდეთ).

ისრაელის მინაზე, ისრაელის მინით შექმნილი, ბევრი კულა ვნახე; დიდი კულები ვნახე, ზედპირზე ადამიანის გამოსახულებით, ნახატით. ამ კულებში მიცვალღებულებს ჩაასვენებდნენ და მარხავდნენ. ისე, საკითხავია, როგორღა იქცევა მინადმოსული მინად? აქ, როგორც ჩანს, სხვა დროის და სხვათა ტრადიციებია. წარმოვიდგინე, სურათად „მიცვალღებული კულაში“, ფხეხმოკეცილი (კულა დაბალია), ბიოლოგიის ნიგნი გამახსენდა — ემბრიონი **დედაში. დედანში** — სამყაროს სხეულში კიდევ მრავალი პარადიგმაა (სინტაგმების ნაკადიც წარ-

მომიდგა, მაგრამ აქ ამის ადგილი არ არის). ტექსტიც სხეულია და მის განსივრცებულ ვერ/სივრცეში **კულა** ისევე პოულობს თავის ადგილს.

კულა დიდი **(ყოლამის ლამის** (თითქმის) ერთი მისხალია, ერთი **დილიმია** და ერთი **დილემა**.

ან ასე: კულა დიდი **(ყოლამის ლამის** (ჭალახის, თიხის) ერთი მისხალია, ერთი დილიმია და ერთი დილემა... დილაც გათენდა, შემომათენდა, დანარჩენი ხვალ, ან როცა ჰხვალ...

ყოფნა გვემალება

მერვე წერილი მერვე დღესავით არის. ის შეიძობით რიტმის პირველი ციკლის დასასრულია და ამავე დროს ხელახალი პირველია, პირველის განმეორება. ამავე დროს, მერვე ურვის დღეა, — დასასრულ/დასაწყისის ბუნდოვანი დრო, ღრიჭო, ხარვეზი. სავარაუდოდ, ამ ღრიჭოს **გავლით** გამოაძევა უფალმა ადამი ედემიდან. ამ **გავლის გავლენა** ყოველ მერვეშია, ყოველ მერვეში ღრიჭოა, ყოველ მერვეში მეორდება: ადამ, სადა ხარ?! ყოველ მერვეში **შეშინებული, დამალული, შიშველი** მეძალეა — **მერვეა, და მერვეა... მერ(ვე) ვარ...**

18.03.12.

რედაქციისათვის: შ. ბოსტანაშვილის მიერ ამ წერილში დასმული საკითხი მნიშვნელოვნად გვესახება: ქართველ ებრაელთა საცხოვრებელი დაბა-ქალაქების წარმავალი სამყარო ისე არ უნდა გაგვეცალოს, რომ შთამომავლობას არ დავუტოვოთ წარსულის სურათები. თავისი ა. საპირი სჭირდება ცხინვალს, სურამს, ახალციხეს, ბანძას... ეს კი თქვენი გასაკეთებელი საქმეა, ძვირფასო მკითხველო!

„ხესედ ელიაჰუ“ 15 წლისაა

სიტყვა „ხესედი“ ქართულად გულმონყალე-ბას ნიშნავს. სწორედ, ამ პრინციპით ხელმძღვანელობს 1997 წელს გახსნილი ორგანიზაცია „ხესედ ელიაჰუ“, რომლის მთავარი მიზანი, სწორედ, რომ ხალხის — გაჭირვებული ადამიანების დახმარებაა. როგორც „ხესედის“ ამჟამინდელი დირექტორი ბატონი რევაზ შათაშვილი ამბობს — იციან, რომ ხალხს უჭირს, ბევრი პრობლემა აქვს და რაც შეუძლიათ, მათ დასახმარებლად ყველაფერს აკეთებენ.

„არ ვიცი არსებობს კი სიტყვა, რომლითაც შეიძლება ის გრძნობა გამოვთქვა, რომელსაც ჩვენ თქვენი ორგანიზაციის მიმართ განვიცდით. გარდა იმისა, რომ თქვენი ორგანიზაცია უკვე ამდენი წელია ცხოვრების საშუალებას გვაძლევს, ისიც უნდა ითქვას, რომ თანამშრომლების ჩვენდამი დამოკიდებულება, სამაგალითოა, თუ როგორ უნდა ექცეოდეს ადამიანი ადამიანს, რომ მისი ცხოვრება უკეთესი გახადოს“.

„ძალიან მინდა გადმოგცეთ ჩემი ფიქრები, რომლებიც გულიდან მოდიან, მაღლიერების სიტყვები, რომლებიც სულს ავსებენ, მთელი იმ სიკეთისათვის, თბილი ზრუნვისთვის, რომელსაც ყოველ დღე ჩემს „თბილ სახლში“ ვგრძნობ. დიახ, სწორედ, რომ „თბილ სახლში“. მეუბნებიან: ემა, შენ ბედნიერი ხარ, ორი სახლი გაქვს, შენ მდიდარი ხარ“, დიახ, მე მდიდარი და ბედნიერი ვარ იმით, რომ ასეთ კოლექტივთან მაქვს ურთიერთობა.“

„არ შემიძლია არ გამოვთქვა მაღლიერება „ხესედის“ მთელი ხელმძღვანელობისა და თანამშრომლებისადმი. თქვენი მატერიალური დახმარება ამავე დროს მორალური დახმარებაცაა, რაც იმის დასტურია, რომ დედამიწაზე არსებობს ხალხი, რომელიც სიკეთეს ყველანაირი ანგარების გარეშე სჩადის“.

ეს არის ამონარიდები იმ სამადლობლო ნერილებიდან, რომელსაც „ხესედ ელიაჰუ“ მუდმივად იღებს. ნერილებს ავტორები არ მივუთითეთ, რადგან სახელსა და გვარს არ აქვს მნიშვნელობა, ყველა სამეურვეო პირი „ხესედ ელიაჰუს“ მიმართ მაღლიერებასა და პატივისცემას განიცდის. აქ ისინი ღებულობენ იმ სიტბოსა და ზრუნვას, რაც ცხოვრებაში, ყოველდღიურობაში აკლიათ.

რევაზ შათაშვილი უკვე 10 წელია „ხესედ ელიაჰუს“ დირექტორია, ამბობს რომ საქმე, პრობლემა ბევრია და მთელი კოლექტივი ყველანაირად ცდილობს მათ მოგვარებას. მთელი მომსახურება პროგრამებადაა დაყოფილი, რომელთა შესახებ ბატონი რევაზი თავად გვესაუბრება.

რევაზ შათაშვილი: ჩემთვის ძალიან სასიამოვნოა „მენორას“ კორესპონდენტთან საუბარი, რადგან მთელი 15 წლის განმავლობაში „მენორას“ „ხესედის“ მუშაობა დადებითად არაერთხელ გაუშუქებია. მინდა მოგახსენოთ, რომ 6 მარტს გადავიხადეთ „ხესედ ელიაჰუს“ 15 წლის იუბილე. 15 წელი ეს ბევრიცაა და ცოტაც, მაგრამ ჩვენ რომ



გადავხედოთ თუ რამდენ ადამიანს დაეხმარა და მხარში დაუდგა „ხესედი“ ძალიან დიდ რიცხვს მივიღებთ. მე მოგანვადით ციფრებს ამ 15 წლის განმავლობაში „ხესედ ელიაჰუს“ რამდენი ადამიანი იყო აღრიცხვაზე. რა გავაკეთეთ და რას ვაკეთებთ ამჟამად. გადახედეთ სტატისტიკას და ნახავთ ხალხის დასახმარებლად რამხელა საშუაოა ჩატარებული. არ დავივწყობ, რომ 1997 წელს, როდესაც „ხესედი“ გაიხსნა საქართველოში რა მდგომარეობა იყო — ეკონომიკა ჩამოშლილი, უგაზობა, უშუქობა, ყაჩაღობა. ჩვენ ეს პერიოდი გადავლახეთ. სწორედ, მაშინ გამოჩნდა თუ რისი გაკეთება შეუძლია „ხესედს“ ხალხისთვის. ძალიან ბევრი მარტო დარჩა. არ ჰქონდათ საშუალება ეყიდათ საკვები, ტანისამოსი. დღეს საქართველოში შედარებით უკეთესი პირობებია. ეკონომიკა განვითარდა და მთავრობა ხალხის მდგომარეობის შესამსუბუქებლად ყველაფერს აკეთებს. თუმცა მაინც რჩება ხალხის ის ფენა, რომელსაც ეკონომიურად უჭირს და მათ შორის ებრაელებიც არიან. ასეთ მდგომარეობაში ძირითადად ხანდაზმული ხალხია. მართალია, საქართველოში პენსია იზრდება, მაგრამ ყველა მოთხოვნილების დასაკმაყოფილებლად მაინც არ არის საკმარისი.

— **ბატონო რეზო, რა პროგრამები მუშაობს „ხესედ ელიაჰუსში“?**

— ჩვენთან კვლავ მუშაობს ცხრა პროგრამა. ძირითადია კვების პროგრამა, რომელშიც ასევე შედის პროგრამა მაღაზია, თუმცა სულ მალე იგი დასრულდება და საბანკო ბარათების სისტემაზე გადავალოთ, რაც ჩვენი სამეურვეო პირებისათვის უფრო მოსახერხებელი იქნება. მათთვის განკუთვნილი იქნება 10-12 მაღაზია თბილისში, სადაც შესვლა და საჭირო პროდუქტების შექენა შეეძლება. ისევე რჩება ცხელი კვება ბინაზე მიტანილი. აღრიცხვაზე 40 ადამიანი გვყავს, რომლებიც სახლიდან პრაქტიკულად ვერ გამოდიან, მათთვის საკვების მომზადებაც დიდ სირთულეს წარმოადგენს, ამიტომ ყოველ დღე ბინაზე ცხელ სადილს ვანვადით. კიდევ ერთი პროგრამაა ბინაზე მოვლა. დღესდღეობით მას „ხესედის“ პროგრამებში ყველაზე დიდ ადგილი უჭირავს, ამ პროგრამაში აღრიცხვაზეა 125 ადამიანი, რომელთაც 38-მდე ქალბატონი ემსახურება. ისინი უზარმაზარ საშუაოს ასრულებენ. წარმოიდგინეთ, 125 ადამიანი ყოველდღე ელოდება, თუ როდის მივლენ მათთან და მოემსახურებიან. ძირითადად, ესენი არიან მარტოხელები, ან ისინი, რომლებსაც სიარული არ შეუძლიათ. ასეთი ტიპის სამსახური საქართველოში არ არსებობს. „ხესედის“ იუბილეზე სწორედ ეს აღნიშნა სახელმწიფო ზრუნვის სააგენტოს ხელმძღვანელმა თამარ მახარაშვილმა.

ასევე გვაქვს სამედიცინო პროგრამა. „ხესედს“ არ აქვს უფლება, შენობაში სამედიცინო კონსულტაციები ჩაატაროს, მხოლოდ შეგვიძლია ვურჩიოთ, ვის მიმართონ, და რა გამოკვლევები ჩაიტარონ, შემდეგ შეძლებისდაგვარად მკურნალობაშიც დავეხმარებით. ასევე ფუნქციონირებს პროგრამა აფთიაქი, რომლიდანაც 500 სამეურვეო პირი ყოველთვიურად უფასო მედიკამენტებს ღებულობს. ეს მათთვის დიდი შეღავათია.

შემდეგია უნიკალური პროგრამა — „დღის ცენტრი“. წარმოიდგინეთ, ხალხისთვის, რომლებსაც მოძრაობაში შეზღუდვა აქვთ, რამდენს ნიშნავს, რომ კვირაში ერთ დღეს ჩვენთან ატარებენ. აქ დაკავებულები არის ხელსაქმით, ფუნქციონირებს მუსიკალური და კინო პროგრამები, დაბადების დღეებისა და ებრაული დღესასწაულების აღნიშვნა. ამ პროგრამაში ჩართულია 60 ადამიანი. 12 ადამიანი დღეში. დამერწმუნეთ, კვირის ის ერთი დღე, როდესაც აქ მოდიან, მათთვის დიდი ზემოქმედებაა. უხანგრძლივებს ცხოვრებას და დიდ ძალასა და ენერჯიას აძლევს.

გვაქვს სამედიცინო დანიშნულების უნიკალური ინვენტარის გაქირავების პრაქტიკა, რაც ხალხს სხვადასხვა დაავადების რეაბილიტაციაში ეხმარება.

შემდეგი პროგრამაა „მოკედი“. მოხალისეები — ჩვენი სამეურვეო პირები, თავიანთ მეგობრებს სხვადასხვა საქმეში უანგაროდ ეხმარებიან, არიან დურგლები, ელექტრომეკეთებლები, დალაქები, მენაღებები. მოქმედებს პრინციპი — ერთი ეხმარება მეორეს, რაც „ხესედის“ გახსნის პირველივე დღიდან ძალიან კარგად მუშაობს.

გვაქვს კურატორების პროგრამა. 4 კურატორს ქალაქი 4 ნაწილად აქვთ გაყოფილი. ეს სამსახური დიდ საქმეს აკეთებს, რადგან ჩვენ გვაქვს საშუალება, ზუსტად ვიცოდეთ ვის რა პრობლემა აწუხებს და სათანადო დამხმარებაც აღმოვუჩინოთ. ეს არის შემაერთებული რგოლი ჩვენსა და ხალხს შორის.

მატერიალური პროგრამით ბავშვებსაც ვეხმარებით. ჩვენთან აღრიცხვაზე 671 ბავშვია. ბავშვები ღებულობენ სასურსათო ამანათებს, მედიკამენტებს, ბავშვთა საკვებ პროდუქტებს, პამპერსებს და ა.შ.

აუცილებლად უნდა აღინიშნოს პროგრამა SoS. ამ პროგრამით ჩვენ შეგვიძლია დავეხმაროთ ყველას, ვისაც სასწრაფოდ მოსაგვარებელი პრობლემა აქვს. ვეხმარებით სამედიცინო მკურნალობაში, ოპერაციის თანხის გადახდაში, ბინების რემონტის გაკეთებაში და ა.შ.

არ შემიძლია არ აღვნიშნო, რომ „ხესედში“ აღრიცხვაზე მყოფ ყველა ადამიანს ელექტრონერგის თანხა გადაუხადეთ. ეს დახმარება იმდე-



ნად დიდი იყო, რომ ყველას შეეძლო ზამთარში სითბო ჰქონოდა. ყველა ოჯახმა 457 ლარი მიიღო, ნაციზმის მსხვერპლმა 60-მა ადამიანმა კი — 1136 ლარი. ფაქტიურად, ჩვენ მათ სითბოსა და კომფორტის პრობლემა გადავუნყვიტეთ.

— ბატონო რეზო, 6 მარტს „ხესედ ელიაჰუს“ 15 წლის იუბილე აღნიშნეთ...

— ეს იყო დიდი ზეიმი. საღამო ძალიან კარგად ჩატარდა, ესწრებოდნენ თემის წევრები, ორივე სალოცავის წარმომადგენლები, თემის ინტელიგენცია და ჩვენი სამეურვეო პირები. არ შეიძლება არ აღვნიშნო ქალბატონი ნათელა პატარკაციშვილი, რომელიც „ხესედ ელიაჰუს“ და მის სამეურვეო პირებს მუდმივად გვერდში უდგას. იერუსალიმის „ჯოინტიდან“ ჩამოსული იყო იცხაკ ავერბუხი, რომელიც საქართველოს კურირებს. მივიღეთ ბევრი სამახსოვრო საჩუქარი, თბილი სიტყვები



— მათ შორის ჩვენი სამეურვეო პირებისაგან. გავაკეთეთ სლაიდ შოუ, რომელშიც „ხესედის“ მთელი 15 წლის ცხოვრება იყო ასახული. ასევე გამოიცა ბუკლეტი, რომელშიც ჩვენი პროგრამების შესახებაა საუბარი. მსგავსი საღამოები, „ხესედ ელიაჰუს“ თანამშრომლებს გვაძლევს ენერჯიას და საჭირო ძალას, რომ ჩვენი საქმიანობა გავაგრძელოთ. აქ მუშაობა რთულია, ბევრ გადაუჭრელ საკითხს ვხვდებით. ასეთი საღამოები, ასეთი გამოსვლები და თბილი სიტყვები კი ენერჯით გვაკვებებს.

ეს წელი ებრაული სახლის შენობისთვისაც ძალიან კარგი იქნება, უკვე გამოცვალეთ ლიფტი და სარემონტო სამუშაოებსაც ვინწყებთ. ივლის-აგვისტოში მოხდება შიდა ინტერიერის შეცვლა, დიდი გეგმები გვაქვს და იმედია ჩვენი სახლი კიდევ უფრო გალამაზდება და გაბრწყინდება. აღსანიშნავია, რომ ყველა სარემონტო სამუშაო „ჯოინტის“ დაფინანსებით მიმდინარეობს, რისთვისაც მათ დიდ მადლობას ვუხდით.

„მენორა“ ულოცავს „ხესედ ელიაჰუს“ 15 წლის იუბილეს და უსურვებს წარმატებას ყველა იმ კეთილ საქმეში, რასაც მთელი თავისი მოღვაწეობის განმავლობაში აკეთებდა.

ნინო შავაძე

მილოცვები

ძვირფასო მეგობრებო, გთხოვთ, მიიღოთ ჩემი გულწრფელი მილოცვა თბილისის „ხესედის“ 15 წლის იუბილესთან დაკავშირებით. განუზომელი და შეუფასებელია „ხესედ ელიაჰუს“ კეთილი საქმეები ექიმ რევაზ შათაშვილისა და მისი გუნდის ხელმძღვანელობით.

ჩვენი, ებრაული ტრადიცია გვასწავლის, რომ სამყაროსა და ყოველ ადამიანში კეთილი და ბოროტი იბრძვის. ყოველი კეთილი ქმედება კი გაცილებით წონადი და ყოვლისმომცველია, ვიდრე ბოროტი. ერთი წამით წარმოვიდგინოთ გასული წლების მანძილზე „ხესედის“ მიერ გაკეთებული ყველა კეთილი საქმე. არა მხოლოდ ცხელი სადილის მიწოდება ჩვენი დებისა და ძმებისათვის თბილისში. ყოველი კერძი ეს უკვე „მიცვა“ იყო. „ხესედის“ დაარსებიდან დღემდე, მრავალი წლის მანძილზე, ვინ მოთვლის, კიდევ რამდენი ასეთი მაღლიანი საქმეა გაკეთებული.

„ხესედის“ საქმიანობა მხოლოდ სასადილოებით არ შემოიფარგლება. მოხუცთა კლუბი, მარტოხელა თუ სანოლს მიჯაჭვული ავადმყოფების მონახულება, მათი ხელშეწყობა და ყველა სხვა კეთილი საქმე არა მხოლოდ „მიცვების“ დიდი ოდენობაა, არამედ „ხესედში“ მომუშავე ყველა ღირსეული ადამიანის საამაყო ჯილდოცაა. მათ შორის არიან — სასადილოს ხელმძღვანელი, დამხმარე პერსონალი, რომელიც შესაძლებელს ხდის ღმერთისგან დალოცვილი საქმეების კეთებას.

ყველამ უნდა იცოდეთ, რომ წმინდა საქმეს ემსახურებთ და მაღლიერი იყავით უფლისა, რომ შეგიძლიათ დაეხმაროთ ამდენ ებრაელს და იამაყოთ წლების მანძილზე განუღებელი ღვაწლით.

გლოცავთ წმინდა ქალაქ იერუსალიმიდან, უფალი შეეწიოს თქვენს წმინდა საქმიანობას, ღმერთმა დაგლოცოთ ამჟამინდელი და მომავალი კეთილი საქმეებისათვის.

მაღლიერი და ამაყი ვარ, არაჩვეულებრივ პიროვნებასთან ექიმ რევაზ შათაშვილთან და ყველა იმ ადამიანთან ურთიერთობის საშუალება რომ მომეცა, ვისაც წვლილი შეაქვს „ხესედის“ საქმიანობაში.

სტანლი აბრამოვიჩი

თბილისის ებრაელთა საქველმოქმედო ცენტრის „ხესედ ელიაჰუს“ დირექტორს, გ-ნ რევაზ შათაშვილს და მისდამი დაქვემდებარებულ კოლექტივს

საქართველოს ებრაელთა მსოფლიო კონგრესის ხელმძღვანელობა მთელი სულითა და გულით უერთდება თბილისის ებრაულ სათემო სახლში შექმნილ საზეიმო განწყობილებას. დიდი სიხარულითა და სიამაყით ვულოცავთ დაარსებიდან 15 წლისთავს „ხესედ ელიაჰუს“ — ორგანიზაციას, რომელიც ასე ქმედითად და ხელშესახებად წარმოაჩენს ეროვნული თვითშეგნების გაძლიერებისათვის მოღვაწეობას და მოყვასისადმი თანადგომის საუკეთესო ნიმუშს და თვალნათლივ ასახავს იმ კეთილშობილ მიზნებს, რომლებსაც ემსახურება ამერიკელ ებრაელთა გაერთიანებული გამავრცელებელი საზოგადოება „ჯოინტის“ მრავალფეროვანი და ნაყოფიერი მოღვაწეობის ერთ-ერთი ძირითადი მიმართულება „ხესედების“ სახით.

წამდვილად ქებას იმსახურებს ის გზა, რომელიც „ხესედ ელიაჰუს“ გაიარა დაარსებიდან — დღემდე. გზა, რომელიც ებრაული ტრადიციების პრინციპებით ხელმძღვანელობს. ამ ტრადიციებში ხომ ჩვენი ხალხის გაჩენის საიდუმლოა ჩადებული. გონივრულად შედგენილი და მთელი კოლექტივის მიერ აქტიურად რეალიზებული პროექტების წყალობით. 15 წლის „ხესედ ელიაჰუს“ ერთ-ერთ გამორჩეულ და სამაგალითო ორგანიზაციად იქცა მსოფლიოს „ხესედების“ ქსელში. და ასეთი რამ ადვილი მისაღწევი როდია. ერთსულოვნად მივესალმებით თქვენს სამაგალითო შემართებას! სულ წინ-წინ გველოთ საქართველოს ებრაული თემის სიყვარულით, ისრაელის სიყვარულით, ხალხთა შორის მეგობრობისა და მშვიდობის დამყარების სულისკვეთებით!

პატივისცემითა და საუკეთესო სურვილებით,

გაბრიელ მირილაშვილი
სემკ-ის პრეზიდენტი

1997 - 2012 წლებში „ხესედ ელიაჰუსი“ აღრიცხვაზე იყო 3872 ადამიანი.

პროგრამის ჩათვლით განუღებელი იყო შემდეგი სახის მომსახურება:

კვების პროგრამა: სასურსათო ამანათი — 224 354;

სადილი სასადილოში — 574 275;

სადილი ბორბლებზე — 299 000;

სულ — 1, 097 620 მომსახურება.

„პატრონაჟი“ — 1751 საათი.

მედიკამენტები — 164 781.

სამედიცინო კონსულტაცია — 41 166.

SOS — 1921 მომსახურება.

1997 - 2012 წლებში — ბავშვთა პროგრამები 903.

ბავშვთა პროგრამა 2012 წელს — 671.

პროდუქტები — 21 934;

მედიკამენტები — 4 566.

2012 წელს „ხესედ ელიაჰუსი“ აღრიცხვაზეა 1341 ადამიანი.

პროგრამების მიხედვით განუღებელი იყო შემდეგი სახის მომსახურება:

სასურსათო ამანათები — 1297;

სადილი ბორბლებზე — 38;

სულ — 1335 მომსახურება.

„პატრონაჟი“ — 512 882 საათი.

მედიკამენტები — 2073.

სამედიცინო კონსულტაციები — 119

SOS — 19 მომსახურება

ბავშვთა პროგრამები 2012 წ. — 671

პროდუქტები — 520;

მედიკამენტები — 68.



6 მარტს ებრაულ სახლში „ხესედ ელიაჰუს“ 15 წლის იუბილე აღნიშნეს. ღონისძიებაზე სიტყვით გამოვიდნენ: ებრაული სახლის სათემო და რელიგიური ღონისძიებების ხელმძღვანელი ზაირა დავარაშვილი, „ხესედ ელიაჰუს“ დირექტორი რევაზ შათაშვილი, საქართველოს მთავარი რაბინის მოვალეობის შემსრულებელი ავიმელეს როზენბლატი, იერუსალიმის „ჯოინტის“ წარმომადგენელი იცხაკ ავერბუხი, „ჯოინტის“ წარმომადგენელი საქართველოში ზოჰარ დავიდი, ებრაული სააგენტოს საქართველოში წარმომადგენლობის დირექტორი ავი ოფირი, „ჯოინტის“ პირველი წარმომადგენელი საქართველოში მენახემ ელაზარი, „ჯოინტის“ ყოფილი წარმომადგენელი კავკასიაში მეირ ზიზოვი, ევრაზიის ებრაელთა კონგრესის გენერალური საბჭოს თავმჯდომარე იოსებ ზისელსი, ხაბადაის წარმომადგენელი მეირ კოზლოვსკი, რაფაელ მესენგისერი, სახელმწიფოს ზრუნვის სააგენტოს ხელმძღვანელი თამარ მახარაშვილი, პროფესორი გურამ ლორთქიფანიძე, გურამ პაატაშვილი, გივი წინუაშვილი, „სოხნუთის“ კოორდინატორი გორში ბესო მანაშეროვი, გორის „ხესედის“ დირექტორი თეონა მაღალაშვილი, კულტურულ-საგანმანათლებლო ფონდის დირექტორი ლენა ბერკოვიჩი, ჯამლელტ ხუხაშვილი, ზინაიდა კრიხელი, სოფა ისკოვიჩი.

აჩვენეს ვიდეო რგოლი, რომელიც ასახავდა „ხესედ ელიაჰუს“ ცხოვრებას მთელი მისი არსებობის — 15 წლის განმავლობაში.

ეს წერილი როსტომ ჩხეიძის ჩინებულმა ესსემ — „ცრემლი და ლოდი“ („ლიტერატურული გაზეთი“, 65, 23 დეკემბერი, 2011წ.) მიკარნახა. სწორედ ამ ლიტერატურულმა კვლევამ გამიჩინა სურვილი ჩავყოლოდი კრიტიკოსის ესსეში შორეული წარსულის რეალობიდან გამომდინარე ადამიანთა ბედს, მოვლენების განვითარებას და დამენერა იმაზე, რაზეც როსტომ ჩხეიძემ მიანიშნა კიდევ, მაგრამ კვლევა სხვა, მისთვის ამჯერად საინტერესო მიმართულებით განვგრძო. დამენერა იმაზე, რასაც ძველი ალექსანდრის იააკობის სულში წარმოქმნილი გრძობის მეოხებით ჩავგვაგონებს, გვასწავლის. ძველ ალექსანდრეში, ხომ არა მხოლოდ მოვლენები, მათი განვითარების გზები, ადამიანების ბედი, ერთი სიტყვაც არ არის შემთხვევითი. აქ ყველაფერი გააზრებულია და სათავის დამდები.

იმდენად რამდენადაც ციტატების მოხმობა არაერთგზის დამჭირდება, მინდა მკითხველს ამ თავითვე შეუვთხანდეთ: ვისარგებლებ „თანახის“ (ასე უწოდებენ ებრაელები ძველი ალექსანდრის წიგნებს) თანამედროვე თარგმანით. იგი ისრაელში გამოიცა ამ თხუთმეტი წლის წინათ. თარგმანი შესრულებულია შალომ დავიდის (დავითაშვილის) მიერ. იგი გახლავთ ქართულ ენაზე არა მხოლოდ მოსეს ხუთწიგნეულის, წინასწარმეტყველთა წიგნების, დავით მეფის საგალობლებისა („თეილიმ“) და სხვათა და სხვათა დიდებული მთარგმნელი.

როსტომ ჩხეიძის ესსეში მოხმობილი ციტატები რომ ნავიკითხვებზე, თავი უხერხულად ვიგრძენი — რატომ დროულად არ ვიზრუნე იმისათვის, რომ მას შალომ დავიდის თანამედროვე ქართულით თარგმნილი „თანახი“ ჰქონოდა-მეთქი, ასე სჯობდა: თანამედროვე ქართული მკითხველი ახალი თარგმანებით უფრო დაიახლოვებამ გენიალურ წიგნს.

ებრაელები „თანახს“ მთელი წლის განმავლობაში კითხულობენ. წიგნი დაყოფილია საკვირაო თავებად. მისი კითხვა იწყება ებრაული ახალი წლის (რომ ჰა შანა) განკითხვის დღის, კარვობის დღესასწაულის შემდეგ და მთავრდება მომავალი რომ ჰა შანისათვის.

ამას იმიტომ აღვნიშნავ, რომ ჩემი ვარაუდით, როსტომ ჩხეიძე ესსეს — „ცრემლი და ლოდი“ სწორედ იმ კვირაში წერდა, როცა იუდეველნი იააკობისა და რახელის ამბავს — „ვაიცე“ კითხულობენ. ამ პასაჟში როსტომ ჩხეიძემ პირველი ნახვით შეყვარების თემა წამოსწია, თუმცა, არც ლაბანის ბუნებას აუარა გვერდი. პირველი ნახვით შეყვარების იდეის განსამტკიცებლად შოპენჰაუერსა და სხვა დიდ ავტორიტეტებსაც იშველიებს, მაგრამ მთავარი ის არის, რომ ენევა საინტერესო ლიტერატურულ კვლევას, დაძებნის პარალელებს იმისა, „თანახის“ ეს პასაჟი („ეამბორა იაკობი რახელს, აიმაღლა ხმა და აქეთინდა“), თუ როგორ წარმოიჩინა და განივრცო მსოფლიო ლიტერატურაში, სწორედ ამ სწორუპოვარ წიგნში იღებს სათავეს პირველი დანახვისთანავე სიყვარულის — ამ უკეთილშობილესი, ადამიანში სიკეთის დამამკვიდრებელი და სულიერების ამამალლებელი გრძობის ჩასახვა.

თუ გამოვრების გამო არ დავიდრახები, კიდევ ერთხელ დავწერ: როსტომ ჩხეიძის ამ ესსეში გამიჩინა სურვილი მის მიერ წამოწყებული საუბარი გავაგრძელო — სხვა კუთხითაც დავინახო ეს ეპიზოდი ამ დიადი წიგნისა.

„ბერეშითი“ — „დაბადება“ ხუთწიგნეულის პირველი წიგნია. იგი გვამცნობს სამყაროს შექმნის ამბავს: „ბერეშით ბარა ელოჰიმ ეთ აშამაიმ ვეთ ჰარეტ“. „თავდაპირველად ღმერთმა განსახა ცა და დედამიწა“. ამას მოსდევს კაცობრიობისათვის კარგად ნაცნობი პასაჟები სამყაროს ექვს დღეში შექმნისა, ადამისა და ხავას (ევას), აბელისა და კენის, ნოახის (ნოეს), თუ სხვათა და სხვათა ცხოვრებისა. ყველას ჩამოთვლა შორს წავიყვანს. იააკობისა და რახელის ურთიერთობა მოსდევს პატრიარქ იცხაკის (ისააკის) და რიბკას შეუღლების პასაჟს: პატრიარქი აბრაამი თავის ქვეყანაში — ივრს გალმა გზავნის მორჩილს, რომელსაც ისააკისთვის საცოლედ მოჰყავს რიბკა.

აქ მინდა მკითხველს შევთავაზო ერთი ვარაუდი:

„თანახში“ იააკობისა და რახელის პასაჟში პირველად გამოჩნდება სიყვარულის თემა. მართალია, იცხაკსა (ისააკს) და რიბკასთან დაკავშირებით ვკითხულობთ: „და შეიყვანა იცხაკმა იგი (რიბკა. გ.ბ.) თავისი დედის სარას კარავში და შეირთო ცოლად. შეუყვარდა ის იცხაკს და ნუგეში ეცა თავისი დედის გარდაცვალების შემდეგ“, მაგრამ აქ სულ სხვა გარემოებასთან გვაქვს საქმე. აქ სიტყვა „შეუყვარდა“ სულ სხვა დატვირთვის მატარებელი უნდა იყოს, ვიდრე იააკობთან მიმართებაში — ყურადღება მივაქციოთ ქმედებათა თანმიმდევრობას: ჯერ შეირთო ცოლად, შემდეგ შეუყვარდა. უნდა ვივარაუდოთ, რომ აქ შეუყვარდა შეჩვევას, შეთვისებას, ღირსეულ თანაცხოვრებას უფრო ნიშნავს, ვიდრე სიყვარულის კლასიკურ გაგებას. იააკობისა და რახელის ურთიერთობაში კი საუბარია ამალლებული სიყვარულის გრძობაზე, რომლის გამოც ადამიანი მსხვერპლსაც გაიღებს. ამ პასაჟის მნიშვნელობას, დედააზრს მოგვიანებით იოსებისა და ბენიამინის პიროვნულ თვისებებში, ბიოგრაფიაში დავინახავთ.

სიყვარულის შეილება, ანუ რა დაიწყო კვლევის ძეგლი ქვეყანაში?

გურამ ბათიაშვილი



(ა, 10, 12) ივოი აუკიოი ლა ივოი რუაჟი
უთხრა იოსებმა თავის ძმებს: იოსები ვარ. (დაბ. 45 - 3).

„შეუყვარდა იააკობს რახელი და უთხრა (ლაბანს) შედი წელიწადს გემსახურე რახელისთვის, შენი უმცროსი ასულისთვის“. შემდეგ: „და მსახურობდა იააკობი რახელისათვის შვიდ წელიწადს და იყო მის თვალში (ეს დრო) რამდენიმე დღისამებრ მისადმი სიყვარულის გამო“. ე.ი. იმის გამო, რომ იააკობს რახელი უყვარდა, შვიდმა წელიწადმა ისე გაიზრინა, ვითარ რამდენიმე დღემაო.

ასე რომ კედემის ძეგლი ქვეყანაში იშვა ის, რაც კაცობრიობის სიკეთის სათავედ იქცევა — სიყვარული.

რას მიგვანიშნებს ამით „თანახი“? სად იჩენს თავს სიყვარულის ძალა, რაგვარ ნაყოფს იძლევა სიყვარული?

მივყვეთ იააკობის ცხოვრების დღეებს:

ლაბანმა იააკობს რახელის ნაცვლად ლეა „ჩაუგორა ლოგინში“. იააკობი ლაბანს შესჩივლებს: „ეს რა მიყავი? განა, რახელისთვის არ გემსახურებოდი? რად მომატყუე?“

ლაბანის პიროვნების მიმართ გამოკვეთილად ნეგატიური დამოკიდებულების გაქარწყლებას კიდევ შევეცადო, ამოდ დავშვრები. ეს არც მწადაია, ის კი მინდა, მკითხველს ერთი ასეთი მოსაზრება შევთავაზო: არა ვგონებ, რახელის ლეათი ჩანაცვლება ლაბანის მზაკვრობის დასტურად გამოდგეს. ლაბანი პრაგმატიკოსია, მან კარგად შეისწავლა იააკობის ბუნება და ისიც კი გამოიანგარიშა, თუ რა ნაბიჯს გადადგამს ხვალ იააკობი. გავისხენოთ, რა უთხრა მან იააკობს: „უკეთესია შენ მოგცე იგი, ვიდრე მივცე ის სხვას. დამკვიდრდი ჩემთან“. იააკობი სასურველი სასიძოა, ამიტომ ლაბანმა შეგნებულად გადადგა ასეთი ნაბიჯი — თითქმის დარწმუნებული იყო, რომ იააკობი რახელს არ დასთმობდა. მოვლენები სწორედ ისე განვითარდა, როგორც ლაბანმა ივარაუდა. ე.ი. მას მიაჩნია, რომ ორივე ქალიშვილის ბედი გონივრულად გადანყვიტა.

მივეუახლოვდით იმ საკითხს, რომელმაც ეს წერილი დამანერინა.

ჩნდება შეილება ლეასთან, იააკობს კი ლეა არ უყვარდა. მოტყუებული, გაცურებული იააკობი კიდევ შვიდ წელს ემსახურება ლაბანს, ოღონდაც რახელი თავისად იგულვოს. შვიდი წლის მოჯამაგირეობა — დიდი საზღაურია (თუ არ მოვიხმობთ სიტყვას — მსხვერპლია) ძალიან დიდი, მაგრამ იმის გამო, რომ უყვარს, იმის გამო, რომ სიყვარულით გახლავთ ანთებული, ეს შვიდი წელი დღეებად უჩანს.

მაგრამ იმარჯვებს არა მხოლოდ ლაბანის პრაგმატიზმი, იააკობის სიყვარულიც. იააკობი რახელს შეირთავს. თითქოს „გასრულდა ესე ამბავი“, ყველაფერი რიგზეა. მაგრამ ასე არ არის. ეს რომ ასე იყოს, „თანახი“ ამბავთა წიგნი იქნებოდა და არა დიად შეგონებათა. ამ წიგნის სიბრძნე სწორედ იმაშია, თუ რა გაკვეთილს გვაძლევს, რა აზრებს ჩავგვაგონებს: რას ნიშნავს სიყვარული, რა არის იგი, რატომ „აღვკამალლებს“?

იააკობს ლეასგან შეეძინა: რეუბენი, შიმონი, ლევი, იეჰუდა, ისახარი, ზებულონი. რახელისგან: ბენიამინი და იოსები, რახელის მხევალ — ბილჰასაგან: დანი, ნაფთალი, ლეას მხევალი ქალის ზილფასაგან — გადი და აშერი.

როსტომ ჩხეიძე სწორედ თანახზე დაყრდნობით, სამართლიანად წერს, რომ იააკობს რახელისაგან შეეძინილი შვილები უფრო უყვარს, ვიდრე უსიყვარულობის ნაყოფი — ლეას მიერ მოგვრილი შვილები: „თუმც მანაც ისე მოხდებოდა, რომ ყველაზე ძალიან რახელთან შეეძინილი შვილები ეყვარებოდა — იოსები და ბენიამინი — ვიდრე ლეასთან შობილი. მაგრამ ეს ყოველივე მანაც სხვა განსჯის თემაა“. მეც სწორედ ამ სხვა განსჯასთან ვარ, სხვა განსჯით მომდინარე აზრი მინდა შევთავაზო მკითხველს და იგი, ისევე როგორც როსტომ ჩხეიძის კვლევა, არ ეყრდნობა თანახის რელიგიურ კომენტატორთა თეზას, ეს არის მწერლის დაკვირვება და ვარაუდი:

ამ პასაჟით — უსიყვარულოდ და სიყვარულით გაჩენილი შვილების სულიერების წარმოჩენით „თანახი“ გვაჩვენებს, თუ როგორია ცხოვრების გზა, სულიერება სიყვარულით შობილი ადამიანებისა და როგორი — უსიყვარულოდ შობილებისა. ამ შემთხვევაში თანახი გვაჩვენებს ორ გზას, ორ მიმართულებას კაცთა ცხოვრებისა — გზა ლეასაგან, მხევალ ქალთაგან შეეძინილი იააკობის შვილებისა და გზა სიყვარულით შობილი იოსებისა და ბენიამინისა. სიყვარულით შობილნი თითქოს თავიდანვე არიან „განწირულნი“ სიკეთის ქმნისათვის. ლეასა და მხევალთაგან შობილნი ჩვეულებრივი ადამიანები არიან, ყველა იმ სიკეთისა, თუ მანკიერების მატარებელნი, რომელიც დამახასიათებელია ქვეყნად მოვლენილი უმეტესობისათვის. არა-რა განსაკუთრებული ნიშნის მატარებელნი ისინი არ გახლავან. შური, მომხვეჭელობა, სიღუბე-ჭირესთან, მოუსავლიანობასთან ბრძოლა ისევე ახასიათებთ, როგორც მრავალთა და მრავალთ.

რას ვპიტიხ ულობთ ამ კვირაში? რუბრიკას უძღვება მთავარი რაბინის მ.შ. აბიმიელმს როჯინბლატი



პ რ ა ბ ი მ ი ე ლ მ ს რ ო ჯ ი ნ ბ ლ ა ტ ი

როდესაც თორა მსხვერპლის შეწირვაზე საუბრობს, ტექსტიდან შეიძლება გავიგოთ, რომ მსხვერპლი საკუთარივე უნდა შევწიროთ, ანუ თავი უნდა მივიტანოთ მსხვერპლად. და როგორაა შესაძლებელი ამის გაკეთება? იგულისხმება, რომ ადამიანმა გამ-ნს უნდა შესწიროს საკუთარი დროიდან, ჩვევების შეცვლის ფასად უნდა გამოყოს დრო თორის სასწავლებლად, გამ-ნისადმი სამსახურისათვის. მასზეა ნათქვამი: „ჯილდო — ნვალეების მიხედვით“. ამიტომ ადამიანის გამ-ნისადმი მსახურება განისაზღვრება არა იმდენად მიცვების რაოდენობით, რამდენადაც მათი შესრულების ხარისხით და იმ ძალისხმევით, რაც მასში იყო ჩადებული. ეს მთაზე ასვლას გავს: თუ ადამიანს უჭირს, მაშინ ის ადის მთაზე, ხოლო თუ მისთვის ადვილია — მაშინ ეს დაბლა დაშვების ნათელი ნიშანია. რატომ უნდადებენ სინას მთას ხორევს? იმიტომ, რომ სამყაროში იქიდან მოვიდა ნგრევა. კერძოდ, თუ ებრაელები თორის შესწავლას წყვეტენ, ისინი ანადგურებენ საკუთარ თავს. ჩვენ ვხედავთ, რომ ებრაელი და თორა ერთმანეთისაგან განუყოფელი არიან. ამიტომ ყოველმა ჩვენგანმა თორის სწავლას განსაზღვრული დრო უნდა დაუთმოს.

კვირის საკითხავ თავში ნათქვამია: „... ფესახი უნდა იყოს შეჭმული ღამით“. ეს წინადადება ასეც შეგვიძლია ავხსნათ: სიტყვა „ფესახ“ ორი სიტყვისაგან შედგება „ფე“- პირი და „სახ“ — საუბარი. ხოლო „შეჭმა“ ნიშნავს სრულად გამოვიყენოთ

დანიშნულებისამებრ, შევუშვებთ რა ჩვენში. გამოდის, ფასუქს ასე ვკითხულობთ: „მოსაუბრე პირმა (თორის სწავლა ხმამალა ხდება) გასაგებად და ნათლად უნდა ახსნას ყველაფერი ისე, რომ თორა ჩვენი სულის ნაწილად იქცეს“. რატომ ღამე? პირველ რიგში, ეს სასწავლად საუკეთესო პერიოდია. მეორეს მხრივ, ღამეში იგულისხმება გალუთი, ტანჯვა. ანუ თორა ჩვენი გადარჩენაა მძიმე პერიოდში. თორა გვიცავს ჩვენ. ამიტომ, გემარა, ზეპირი თორის ის ნაწილი, რომელსაც ებრაელები განუწყვეტლივ სწავლობენ, ოთხი ასოსაგან შედგება: „გიმელ“, „მემ“, „რეიმ“ და „ალეფ“. „გიმელ“ — გაბრიელ, „მემ“ — მიხაელ, „რეიმ“ — რაფაელ და „ალეფ“ — ურიელ. ანუ, როდესაც ებრაელები გემარას სწავლობენ, მათ გამ-ნის ანგელოზები იცავენ.

თორაში ნათქვამია: „ამ დღეს მივიდნენ სინას მთასთან“. რატომ „ამ დღეს“? რაში გვიხსნის, რომ ჩვენ ყოველთვის უნდა ვგრძნობდეთ თავს ისე, თითქოს ეხლა მივედით სინას მთასთან თორის მისაღებად.

ერთ პატარა ქალაქში თორის ახალი გრაგნილის წერა დასასრულს უახლოვდებოდა. ამ მოვლენის საპატივცემლოდ ქალებმა გადაწყვიტეს სეფერ

თორის კაბის შეკერვა. მაგრამ გაჩნდა პრობლემა. საჭირო იყო მხოლოდ ერთი კაბა. მის გადასაჭრელად ქალაქის რაბინმა ქალებს შორის კონკურსი გამოაცხადა. სპეციალურ კომისიას უნდა გამოეყვლინა გამარჯვებული. აი, დადგა გამოცდის დღეც. ყველა ქალმა მოიტანა თავისი ნამუშევარი და კომისიამ საუკეთესო ნამუშევარიც გამოავლინა. მაგრამ, როდესაც სეფერ თორას მოაზომეს, აღმოჩნდა, რომ ის მოკლე იყო. მისი შემკერავი ძალიან დალონდა, ცდილობდა კაბის გაწვლას სიგრძესა თუ სიგანეში, მაგრამ არაფერი გამოდიოდა. უცბად სახე გაეხადრა და წამოიძახა: „ვიცი რაც უნდა გავაკეთო. თორა უნდა შემოვჭრათ კაბის ზომაზე“. უთხრა მას რაბინმა: გამ-ნმა ნუ ქნას. საჭიროა, რომ კაბა შეესაბამებოდეს თორას და არა პირიქით — თორა კაბას“.

შეუძლებელია თორისა და მისი მცნებების შეცვლა. ისინი, ისევე როგორც გამჩენი, ნებისმიერ დროს შეეფარდებიან. სინამდვილეში ჩვენ არ შევესაბამებით მას და ამიტომაც გვსურს შემოვჭრათ ის, რაც „ზედმეტად“ გვეჩვენება. სიტყვა „კორბან“ წარმოსდგება სიტყვისაგან „ლეჰაკრივ“, „ლეჰით-კარევ“, რაც მიახლოვებას, გამ-თან დაახლოვებას ნიშნავს. ეს პროცესი კი მუდმივია.

თბილისის ებრაული სკოლა — სწავლა გზაა

თბილისში ხმა ღიჟნა, რომ ებრაულ სკოლას გაუჩნდა პრობლემები, რის გამოც სკოლაში სწავლა შეჩერებულია. ამასთან დაკავშირებით „მეორას“ კორესპონდენტი გაესაუბრა საქართველოს მთავარი რაბინის მოვალეობის შემსრულებელს, სკოლის ერთ-ერთ ხელმძღვანელს ავიმელეს როჯინბლატს.

— რაბი ავიმელეს, გვითხარით, რა მდგომარეობაა სადღეისოდ სკოლაში?

— სკოლა რაბი არიელ ლევიმს დაარსდა და უკვე 20 წელია, რაც არსებობს. ამ პერიოდის განმავლობაში ძალიან ბევრი ბავშვი აღინაზრდა. ბევრი მათგანი წარმატებული სასულიერო პირია და წარმატებით მუშაობენ მსოფლიოს სხვადასხვა კუთხეში — იქნება ეს ისრაელი, ამერიკა, თუ ევროპის ქვეყნები. სკოლის სპეციალიზაცია შემდეგში მდგომარეობს: აქ ბავშვებს თავისი ქვეყნის, ენის სიუვარულს ასწავლიან. ასწავლიან, თუ როგორ უნდა ილოცონ და აღნიშნონ დღესასწაულები. სკოლა თბილისში მდებარეობს, თუმცა, თბილისელი ბავშვების გარდა, რუსთაველებიც დადიან. სკოლაში დღეს 52 ბავშვი სწავლობს.

საქართველოს კანონმდებლობის თანახმად, ყველა სკოლამ სპეციალური აკრედიტაცია უნდა გაიაროს, რა საკითხსაც ახლა აქტიურად ვეძებთ. გვქონდა პრობლემა და კვლავაც ვაჭკვს ფინანსების თვალსაზრისით — აკრედიტაციისას სკოლამ უნდა გადაიხადოს რამდენიმე ათასი ლარი. გადაუხდელობის გამო სკოლაში მეცადინეობა შეწყვეტილი იყო. რაბი არიელ ლევიმის, ჩვენი დიდი მეცადინეობით ამჟამად სასწავლო პროცესი აღვადგინეთ — ბავშვები სასკოლო მერხებს მიუსხდნენ. იმედი გვაქვს, ეს პროცესი მალე დასრულდება.

ასე რომ, საქმე უკეთესობისკენაა — სწავლის პროცესი ჩვეულებრივად მიმდინარეობს.

თბილისის ებრაული სკოლა არ უნდა დაიხუროს. ეს უოველი ჩვენგანის გასაკუთრებული საქმეა.

აი, სიყვარულის შვილები: ბენიამინი და იოსები სხვა ნიშნით გახლავთ ალბეჭდილი. ბენიამინი კეთილია, ძმაზე მზრუნველი, მოსიყვარულე. კარლ გუცოვის ურიელ აკოსტას ამონაკენესი „რისთვის გაყიდეს ძმებმა იოსები უდაბნოში“ მას არ ეხება, იგი ამ საქმეში არ გარეულა. „თანახმა“ მას — სიყვარულით შობილს — ეს ცოდვა აარიდა.

იოსები პატიოსანი კაცია, პატიოსანი და მიაშიტი. ასე რომ არ იყოს, ძმებს მეორე სიზმარს აღარ უამბობდა. პირველი სიზმრის თხრობის შედეგად ძმების რეაქციის მეხებით — როგორ აითვალისწინეს უსიყვარულოდ შობილმა ადამიანებმა — უნდა გაეცნობიერებინა, მათი სულიერი სანყაო. რა ბრალი აქვს იოსებს? მისი „ბრალეულობის“ განმაპირობებელი მისივე ნიჭია — ეს მიაშიტი კაცი განსაკუთრებული ნიჭით გახლავთ დაჯილდოებული. ამითაც განასხვავა ზენაარმა უსიყვარულოდ შობილთაგან. განსაკუთრებული ნიჭით შობილნი კი თითო-ოროლა, ისიც შორეულ კაცს თუ უყვარს. იოსებს რომ ეშმაკობის, ცბიერი კაცის გზა აერჩია, თავის განსაკუთრებულ ნიჭს ძმებთან მეორედ აღარ წარმოაჩინდა, დაფარავდა — მეორე სიზმარს აღარ უამბობდა. მამაც კი აუხირდა. ამ ახირების მიზეზი ის გახლავთ, რომ იაკობი გრძნობს, თუ რაოდენ ამხედრებულნი არიან ძმები იოსებზე და ცდილობს ნაბოლარა ძე — მისი ნიჭიერების „დამინების“, დამცრობის გზით ხიფათს აარიდოს.

ძმები ჯერ ხაროში ჩააგდებენ იოსებს, შემდეგ კი იშმაკიანებს ოც ვერცხლად მონად მიჰყიდა. ასეთია არასასურველი ქალისაგან უსიყვარულოდ შობილთა - ჩვეულებრივ ადამიანთა — ზნეობრიობა. ამით „თანახმი“ კიდევ ერთ შეფასე-

ბას აძლევს ადამიანთა სანუკვარ გრძნობას — სიყვარულს.

მაგრამ იაკობის ლეასა თუ მხევალ ქალთაგან შობილ შვილთა ზნეობრიობა ერთი მხარეა კაცობრიობის მოდგმისა. არსებობს მეორე მხარე — სიყვარულით შობილთა ზნეობრიობა. ეს არის იოსების გზა — პატიოსანი, სიკეთით გასხივოსნებული კაცის ცხოვრების მრწამსი.

იოსების ბიოგრაფია ვიცით: ხაროში ჩაგდება, იშმაკიანთა მონობა, პოტიფარის კარზე ამალღება, საპყრობილე, სახელმწიფოს ღამის პირველი კაცობა — ცხადია, ხელმწიფის შემდეგ.

და ერთ მშვენიერ დღეს ძმები, რომლებმაც ხაროში ჩააგდეს, მეორე კი იშმაკიანთა მონად მიჰყიდეს, მთხოვნელად მიადგნენ კარს. მთხოვნელად არა რაიმე ნივთისა, არა ფუფუნების საგნისა — მათი თხოვნის დაკმაყოფილება სიცოცხლის გადარჩენის ტოლფასია. იოსებს შეუძლია მათი მუდარა არ შეინყნაროს. ეს კი უსიყვარულოდ შობილთა სიცოცხლის დასრულების მაუნყია.

მაგრამ იოსები კაცობრიობის იმ ნაწილს განეკუთვნება, რომელიც სიყვარულმა მოავლინა ცისქვეშეთში. იგი სიყვარულმა მოიყვანა ამქვეყნად. სიყვარულის ნაყოფი კი კეთილშობილია. იგი სიკეთეს თესავს, სიკეთეს ელტვის — არა მხოლოდ თხოვნას შეინყნარებს, ბედნიერებასაც ანიჭებს უსიყვარულოდ შობილთ — სიცოცხლეა ბედნიერება.

ასეთნი არიან სიყვარულით შობილნი და ჩვეულებრივი ადამიანები. ასეთ გრადაციაში აჰყავს სიყვარული „თანახს“. ალბათ, არც ის დაგვიწყნია, რომ იაკობის თორმეტი ძე გახდა მამამთა-

ვარი ისრაელის თორმეტი შტოისა. თუ ეს ფაქტი, სიყვარულით და უსიყვარულოდ შობილთა ასეთი თანაფარდობა იქცევა (და რატომ არ უნდა იქცეს!) ადამიანთა რაობის შეფასების ერთ-ერთ კრიტერიუმად, დავინახავთ, სამყაროში თუ რა შეფარდებაა ჩვეულებრივ და სიყვარულით შობილ, ე.ი ჩვეულებრივ მოკვდავთა და სიყვარულით გასხივოსნებულ ადამიანთა შორის.


ასე, ამ წესით მოედინება კაცთა ყოფა ამ ცის ქვეშეთში — ეს არის სიყვარულის ნაყოფის ცხოვრებისეული მრწამსი.

უკვე ითქვა, რომ „თანახმი“ შემთხვევით ერთი სიტყვაც კი არ არის. იაკობისა და რახელის პასაჟი ჩაგვაგონებს, თუ როგორია სიყვარული, რა ძალა აქვს მას. ისიც ითქვა, რომ ლეას, მხევალ ქალთაგან და რახელის მიერ მოგვრილი შვილების ცხოვრება, მოქმედება არის ორი გზა კაცობრიობისა. „თანახმა“ კაცობრიობას ჯერჯერობით მხოლოდ დაუსურათხატა ორი გზის რაობა. სიყვარულის მთავარ მოთხოვნადად ფორმულირება, რჯულის კანონად ქცევა, მოგვიანებით მოხდება — მაშინ, როცა ეგვიპტის მონობიდან თავდახსნილი ებრაელობა უდაბნოს გზით თავისუფლებისაკენ მიდის. სინაის მთაზე უზენაესი მოსეს რწმენის დაფაზე შანთით ამოკვეთს ათ მცნებას. ამათგან ერთი უზარმაზარ, ზოგისთვის შეუძლო, ძნელად მისაღწევ, ზოგისთვის კი სასიცოცხლო მოთხოვნადად ქცეულ დავალებას აძლევს კაცობრიობას. ეს დავალება სიყვარულს ღალადებს.

მდიდარი ებრაელი

უილიამ ფოლკნერი

ნიუ ორლეანის სკეჩებიდან



„სამი რამ მიყვარს: ოქრო, მარმარილო და ძონეული; ბრწყინვალეობა, სიმდიდრე, ფერი“. აღმოსავლეთში დაირწა ადამიანთა მოდგმის აკვანი. იქიდან წამოვიდა აქაფებული ტალღა ბედისწერისა და დედამიწის პირს აბობოქრებული მოედო. დაე, იმძვინვაროს ბედისწერის ამ ტალღამ. ჩემმა ერმა გადალახა ეს ბედისწერა. ჩემი ერი, შესაძლოა განუსჯელად, მაგრამ მუდამ მამაცურად გაჰყოლია ისტორიის ტალღებს, ისევე, როგორც ჩემი ძველი ფინიკელი წინაპრები, რომლებიც არ ეპუებოდნენ და სავაჭრო ორჩხომელებით გადიოდნენ ჯერ კიდევ რუკაზე აღუნიშნავ ზღაპრულ ზღვებში და ეძებდნენ იმას, რაც მეც მიყვარს. მზე ამოდის და ჩადის; კაცობრიობის ეპოქები იზადებიან, განიცდიან სიხარულს, იბრძვიან, სტირიან და ქრებიან.

ბათუმი — აშდოდი დაპროვინციული ქალაქები

28 თებერვალს ორი ქალაქის — აშდოდის და ბათუმის მერებმა აშდოდში, ისრაელში საქართველოს ელჩის თანდასწრებით, დაინყეს ახალი ფურცელი ქართულ-ებრაულ ისტორიაში — ხელი მოაწერეს შეთანხმებას მეგობრული ურთიერთობის დამყარების შესახებ. მხარეები შეთანხმდნენ ტურიზმის, კულტურის, სპორტის, ეკონომიკის, ჯანდაცვის სფეროებში თანამშრომლობაზე.

ქართველები ცნობილი არიან თავისი ნაციონალური ფესვებით, ოჯახური ტრადიციებითა და კულტურით. სადღესასწაულო ღონისძიებას აშდოდის ქართული სათემოების წარმომადგენლები დაესწრნენ, რომელიც სუფთა ქართულად ჩატარდა: ქართულად მღეროდნენ და საუბრობდნენ, ცეკვავდნენ ქართულ ნაციონალურ ცეკვებს.

აშდოდის მერმა — იხილ ლასრმა, ქართული დელეგაციის მიღებისას, აღნიშნა, რომ ორ უძველეს ქალაქს ისტორიაში საერთო ფურცლები აქვს და ისტორიულად ურთიერთობების ახალ ეტაპზე გადასვლა შესაძლებელია. მან ისაუბრა ქართველების დიდ წვლილზე აშდოდის ცხოვრებაში, ისაუბრა აშდოდის ქართული სათემოების მეთაურის პირად მონაწილეობაზე ბევრ მუნიციპალურ პროექტში. აშდოდში შეიქმნება ქართველი ებრაელების კულტურული მემკვიდრეობის მსოფლიო ცენტრი — მსგავსი ერთადერთი მსოფლიოში. ამის შესახებ ასევე ისაუბრა აშდოდის, ქალაქის საბჭოს დეპუტატმა — მოშე ბუთრაშვილმა.

ბათუმი — სიდიდით მესამე საქართველოს ქალაქებს შორის. აჭარის ავტონომიური რესპუბლიკის დედაქალაქი, ქვეყნის უმსხვილესი საზღვაო, ტურისტული ცენტრია. ცერემონიაზე იგი დეტალურად წარმოადგინა ბათუმის მერმა რობერტ ჩხეიძემ. ორ ქალაქს აკავშირებს პირველი რიგში, ზღვის თემი, პორტები და ტურიზმი. ისრაელში საქართველოს ელჩმა არჩილ კეკელიამ აღნიშნა, რომ ისრაელში მისთვის ეს პირველი ღონისძიებაა და იგი მოხარულია, რომ მიიღოს მონაწილეობა ისეთ შესანიშნავ მოვლენაში, როგორცაა ორ ქალაქს შორის მეგობრული ურთიერთობის დანყება. მან

დაე, ასე იყოს: ღმერთის წინაშე მეც მხოლოდ სველი მიწის კოშტი ვარ. თუმცა ბებერი, მაგრამ ჩემს გულში მოქცეულია ადამის მოდგმის ყოველგვარი ტკივილი, ვნება და მწუხარება; ჩემშია სიხარული, რომელიც სულს აღანთებს, და მწუხარება, რომელიც სულს ამოსწავს.

მაგრამ მე მწვავე ფერფლი ვარ, რომლიდანაც ჩემი სიამოვნებისა და ტკივილის მემკვიდრენი ფენიქსის მსგავსად აღმოცენდებიან, რადგან ჩემი სისხლი ძველია, მაგრამ გამძლე. ო, თქვენ შერეული ერებო, თქვენი ფერფეცვლილი განწყობებული და დაკარგული სისხლით; თქვენი ოცნებით, რომელიც შელახულა და უმიზნო გამხდარა. თქვენი ისიც კი არ იცით, რას ესწრაფით! ჩემმა ხალხმა თქვენ შემოგთავაზათ ოცნება მშვიდობისა, რომელიც ვერ აღიქვით და სირიის უნაყოფო უდაბნომ შეინოვა თქვენი ჭაბუკების სისხლი; მე გადმოგიგდეთ ოქროს ფული და თქვენ კი ამით სიკვდილის იყიდეთ აჰენობარბუსის* ბაღებში. თქვენი ბედისწერა ჩემი ხალხის ხელიდან მიიღეთ და თქვენი და ჩვენი შვილები ერთად იწვინენ პაშენდელის ტალახში,* ახლაც სძინავთ მათ ერთმანეთის გვერდით უცხო მიწის ქვეშ. უცხო? რომელი მიწაა ჩემ-

განაცხადა, რომ ბათუმი ახლა ეკონომიურ აღმასვლას განიცდის, განსაკუთრებით ეს ტურისტულ მიმართულებას ეხება. ახალი სასტუმროების და თანამედროვე ატრაქციონების მშენებლობასთან ერთად ბათუმი მსოფლიო მნიშვნელობის ტურისტული ცენტრი გახდება.

იუდეისა და სამარიის სამხედრო პროკურორი: ჟანა მოძღვრიშვილი



— 8 მარტს არ აღვნიშნავ, მინდა, რომ ეს იყოს მთელი ოჯახის და არა „გათავისუფლებული ქალების“ დღესასწაული, როგორც საბჭოთა კავშირში იყო. ამ დღეს დედაჩემიც არ აღნიშნავს — განუცხადა „იზრუსს“ ცახალის ისტორიაში პირველმა ქალმა, რომელმაც იუდეისა და სამარიაში სამხედრო პროკურორის პოსტი დაიკავა — პოლკოვნიკმა — ჟანა მოძღვრიშვილიმა.

ჟანა ქუთაისში დაიბადა, თუმცა ძალიან კარგად საუბრობს რუსულ ენაზე, ამასთან ერთად, შეინარჩუნა ქართული ენაც, რომელსაც ივრითი, ინგლისური, არაბული და ფრანგულიც დაუმატა.

ისრაელში მშობლებთან ერთად 1973 წელს 4 წლის ასაკში ამოვედი. მანამდე გარკვეული პერიოდის განმავლობაში მოსკოვში ვცხოვრობდით. აქ ჩემმა მშობლებმა გადაწყვიტეს არა აშდოდში დასახლება, სადაც ქართველების დიდი სათემო იყო, არამედ პატარა ქალაქში, სადაც ერთადერთი საქართველოდან ჩასულები ვიყავით. მაგრამ მშობლები დაჟინებით მთხოვდნენ, რომ ქართული ენა კარგად მცოდნოდა. ეს ჩემი, როგორც ისრაელელის, იდენტობის ნაწილი, ჩემი ფესვებია, — თქვა მოძღვრიშვილიმა, თან დასძინა, რომ მის თანამშრომლებს მისი გვარის წარმოთქმა უძნელდებათ.

პროკურორის სიტყვებით, საბჭოურმა წარმომავლობამ ისრაელში ადაპტაციისას მასზე დიდი გავლენა იქონია, განსაკუთრებით კი სკოლის ასაკში. „სწავლა ახალი დანყებული მქონდა, როდესაც

თვის უცხო? თქვენი ალექსანდრეები, კეისრები და ნაპოლეონები იზადებიან სისხლსა და ოქროში; ისინი გაჰკვივიან სამშობლოზე, მაგრამ ხანმოკლეა მათი ყოფინა. შემდეგ კვდებიან, როგორც ტალღები, რომლებიც სისინით იკლაკნებიან ნაპირზე და ქრებიან. არც ერთი მიწა არ არის უცხო ჩემი ხალხისათვის, რადგან განა ყველა ქვეყანა ჩვენ არ დავიპყართ ჩვენი ქრისტიანობის იგავით? ბედისწერის აქაფებული ტალღები გვერდს მივლიან. დაე ჩამიარონ! ჩემი ხალხი ტალღების თხემზე მოექცევა და შესაძლოა ამ ტალღებმა ისე გასტყორცნონ, როგორც საყვირთა ხმები იტყორცნება ცივ ვარსკვლავეთში. „სამი რამ მიყვარს: ოქრო, მარმარილო და ძონეული; ბრწყინვალეობა, სიმტკიცე, ფერი“.

ინგლისურიდან თარგმნა მადეა ზაალნიშვილი

*ლუციუს დომიტიუს აჰენომარბუსი (დაიბადა 98 წ. და გარდაიცვალა 48 წ. ქრისტეშობამდე).
ოპტიმატების (კონსერვატიული სერატიორილის არისტოკრატის) ბელადი. იბრძოდა იულიუს კეისრის, პომპეუსისა და მარკუს კრასუსის (ე.წ. ტრიუმვირატის) წინააღმდეგ. დამარცხდა ფასალუსში.
*პაშენდელის ბრძოლა 1917 წელს ე.წ. ტალახის ბრძოლა.

მასწავლებელმა ჩემს მშობლებს შესჩვილა, რომ გაკვეთილებზე ბევრს ვლაპარაკობდი და უყურადღებოდ ვიყავი. ჩემმა მშობლებმა გაარკვიეს თუ რაში იყო საქმე და მიხვდნენ, რომ მე უბრალოდ მოვიწყინე. იმ პერიოდში უკვე ვიცოდა კითხვა, წერა და თვლა, როგორც საბჭოთა კავშირში იყო მიღებული, ჩემი თანატოლები კი ჯერ მხოლოდ სწავლობდნენ — უამბო მოძღვრიშვილიმა IzRus-ს.

ბოლო კლასში მან მშობლებს ორი სიურპრიზი მოუწყო: განაცხადა, რომ სურდა ჯარში ემსახურა (იმ დროს საქართველოს ებრაელების სათემოების გოგონებისთვის ეს არ იყო დამახასიათებელი), შემდეგ კი „დააწყნარა“, როდესაც განუცხადა, რომ ჯერ უმაღლესი იურიდიული განათლების მიღება სურდა. „მათთვის ეს შოკი იყო, დედაჩემს მათემატიკურ მეცნიერებებში მაგისტრატურა აქვს დამთავრებული, მამა კი — პედაგოგია, შესანიშნავად თამაშობს ჭადრაკს. ბუნებრივია, უნდოდათ, რომ ზუსტი მეცნიერებები შემესწავლა. მაგრამ იურისპრუდენცია ავირჩიე და მათ ჩემი გადარწმუნება ვერ შეძლეს“ — აღნიშნა მოძღვრიშვილიმა.

მოგვიანებით, სამხედრო პროკურორების მოსამზადებელ კურსებზე ვსწავლობდი, რომლებსაც იუდეისა და სამარიაში სამუშაოდ ამზადებდნენ. არასოდეს გამისვამს ხაზი ჩემი წარმომავლობისათვის, არც იმისთვის, რომ ქალი ვარ. ოფიცერი ვარ, ჩემს სამუშაოს ვასრულებ, მზად ვარ „ცხელ ნერტილებში“ სამუშაოდ — მორჩა და გათავდა. ჯარში წინ წასაწევად მეტი არაფერია საჭირო, — თვლის იგი.

თავისი კარიერის მანძილზე მისი ერთ-ერთი ყველაზე რთული საქმე იყო — ფოგელების ოჯახის ხუთი წევრის სასტიკი მკვლელობის გამოძიება, დანაშაული პალესტინელებმა ითამარის დასახლებაში შარშან მარტში ჩაიდინეს. „დეტალებზე საუბარი არ შემიძლია, არანაირი სამუშაო გამოცდილებას, ყველაზე საშინელსაც კი, არ შეეძლო ჩემი ასეთი ამბავისთვის შემზადება. ეს სასტიკი დანაშაულია, რომლის დეტალებშიც გარკვევა მომიხდა. ამის დავინყებას ვერასოდეს შევძლებ. თუმცა სწორედ ეს საქმე მამხნევეს, რომ მართლმსაჯულებით ვიყო დაკავებული“, — დაასკვნა იუდეისა და სამარიის სამხედრო პროკურორმა ჟანა მოძღვრიშვილიმა.